


人海記



蘓子瞻詩云惟存玉城最堪隱萬人如海一身藏與

東方曼倩陸沉金馬之意寄託畧同余自甲子夏北

遊太學又九年舉京兆秋試又十年唱第南宮其後

內廷者七年從事書局者三年迨癸巳夏移

疾乞歸年已六十有四矣通計三十年來客居京師

歲月過半其間耳目間見隨手綴錄零丁件系不下

數百條雪憲檢點哀集成卷命曰人海記

本朝初年滿洲官員支俸不支薪漢官則俸薪並支順

治甲午停秋冬二季俸有以停俸不停薪請支折薪銀



海寧查慎行海餘慕

者以薪侈于俸也如四品官季給薪三十金俸纔二十金耳內院不許謂滿洲方在此論俸薪何得濫也明年漢官但給俸不給薪矣朱右君司空云

故事舉行計典後臺省例有拾遺順治丙戌部院大計群更止據撫按所揭以黜陟臺省欲循故事內大臣不欲也陳溧陽力生之臺省拾遺奏上多被友坐己丑大計鑿前事雖有糾拾亦僅耳其後遂停吾邑楊少司馬為副憲時復請舉行拾遺格于部議不果督撫之權漸重矣

內閣判日俱用墨筆以票旨硃筆避尊也此制起于明朝但外而九列至斗食之吏皆硃批獨不嫌僭上何也

國初各有地界正黃旗則正

朱子所字右君又以後第の頁有初白先生五多時あは了朱不君硃筆行以謬也

門正藍旗則宣武門鑲藍旗

鑲紅旗則阜成門正白旗

則朝陽門即齊化門鑲白旗則安定門

漢太官園種冬生葱韭菜茹晝夜燃蘊火待溫氣乃生

事見漢書召信臣傳今都下早蔬即其法蓋明朝內豎不惜厚直以供御庖嘗聞除夕市中有賣王瓜二枚者內官過問其價索百金許以五十金市者大笑故噉其一內官亟止之所餘一枚竟售五十金而去

吾鄉呼林檎為花紅北人呼為沙菓又柰似林檎而小北人目為虎喇檳

北方無笋惟冬笋用茅竹筒封貯從江南馬上取鮮十  
餘日到京每斤價值四五百錢春夏之交食蘆薹蒲牙  
總名為笋詩云維筍及蒲則蒲與筍故當有別  
佐領即牛录也秩如明朝千戶專管戶籍秩雖卑凡位  
居公侯伯者並俯聽其派撥亦猶縣令之轄鄉紳  
滿洲入旗騎兵月餉七兩五錢步兵三兩四錢綠旗騎  
兵月二兩步兵一兩五錢城守兵月一兩水師同逢月  
小盡扣銀五分謂之朋椿官馬斃則以此項買補凡騎  
兵止給官馬鞍轡自備

滿洲子弟入學倡于順治辛卯壬辰時范文程當國初試  
百四十人入庠歲考止三等上者賚絹二疋其赴科舉初  
場止二義廣寧楊方興山陰沈文奎並解元麻勒吉為  
狀元另為一榜戊戌以後乃列名漢人榜間亦有成七  
義者矣

初徙八旗圈順天永平保定河間之田凡腴畝善宅悉  
歸旗下謂之莊子順治癸巳以水災四府莊子俱荒欲  
改圈真定順德廣平大名地戶部持之不行  
漂陽相國以甲午三月賜死時年五十宣武門內靈官  
殿乃杜郵之地也

陝西織造絨褐本朝初年設有專員順治辛卯始省以  
此項錢糧充餉

世祖章皇帝於甲申十月朔入燕甫七歲是日一御殿

自後元旦萬壽節俱免朝賀至庚寅正月朔始御殿受賀

順天鄉試初用考試官四員內滿洲二人主八旗蒙古應試者後止二員並用漢人

滿洲編檢視漢官俱晉一品而於滿人為卑以滿官止七品也

吏兵二部每月選期舊于天安門外兩廊設矮几鋪紅氈席地而坐尚書二人正面吏部西向兵部東向侍郎旁列其餘司官筆帖式以次排比選人于前唱名掣籤今兩廊列牆屋各官俱露坐

順治甲午正月始頒文武諸臣制誥封贈八旗勲衛數

萬人其祖父之名類皆闕失意不欲制詞漢官力爭之於是內院擇坊局史官十六人分撰自一二品始一品限十二句二品十句三品八句句各四字不用故實順治癸巳三月廿五日改鑄朝鮮國王印兼滿漢文以從前止漢篆也

出繼之子繼任為本生父母治喪自北平朱右君

諱之

先生始先生時官戶部侍郎其後大臣遂援為例

西洋人生日不論本誕如立春日生其日無定期或十二月或正月遇此節即是也

回人雖在中國不奉正朔自有回曆亦不限十二月為一年別有歲朝每年不同乙丑八月初三日為群

聚慶會之期余在都下親見之  
皇城西苑萬歲山上以西僧言建白塔三層形如瓶按  
元世祖至元二十八年五月丁巳從楊璉真伽之請于  
臨安建白塔二各高一丈二尺以居呪師朶四的姓吉  
等七人其事本此

四川開科始順治辛卯解額七十一人喪亂之後舉子  
止二百餘人主司駐保寧寓試道士院時有亭溪之警  
急於竣事二三場併日

開河舟阻官舫於總河處求給讓行牌以先商賈今無  
此例矣

永城人宋猷策明末賣卜燕市遇李自成拜國師導之  
入都自成敗後滿州重其術隸旗下其人至康熙初年  
乃死

南京後湖貯各省戶口田糧冊有明終始計一百七十  
萬本南渡後用以造甲點火藥至本朝僅存萬歷間及  
崇禎五年者朝議謂每本重四五斤鬻之可得四五萬  
緡

貢士閱落卷自順治乙未始時禮科議南卷十中其一  
而江西僅七人物議籍於是大總裁金之俊等奏落

卷貯于順天府許貢士赴閱限六日內不得領回前此未之聞也

翰林外轉順治乙未九月始行之編檢則范周沈荃盧高湯試耿介崔之瑛馬燁曾等少詹以不開坊以上則黃志遴楊思聖王舜年藍潤王九咎陳曠等共十八人皆以品行清端才猷贍裕各照外轉應得職銜陞一級過關即補康熙戊辰編檢汪楫丁廷捷李濤三人以知府用辛未冬少詹徐潮轉通政司侍讀胡會恩轉光祿少卿侍講熊賜瓚轉大理寺丞高裔勵杜訥俱轉通政叅議宮坊李應鴈轉太常少卿周清源轉叅議司業吳涵轉叅議

世祖嘗言明朝之亡由周延儒馮涿州少子娶宜興從女初頗為解上不以為然又問延儒有子官翰林今安在銓詭對曰庶吉士周奕封非延儒子也時奕封請假在籍乙未秋還朝俄除知縣乃涿州希旨外之也

各鎮總兵官銜帶都督同知或僉事在明朝有五軍都督府故也今都督府已裁而總兵仍魚此銜甚屬無謂正陽門外窮市有古鐵長三尺許衡二寸形若草帶中虛外繡面背隐起釘如鼓不甚可辨一日高麗使見之售以五十金云此定水帶也禹治九州作九帶此其一也若航海之水鹹不可飲以帶投之立甘列故貴耳市中好事者隨至會同館派苦水石餘投盪數斤揉之使

濁乃投帶于中沸涌作魚眼數十少頃味極甘冽明季  
大學石鼓文舊六百五十七字元至元中存者三百八  
十六字今所存字但三百二十五而已

西山碧雲寺俗名于公寺後為正德間大瑞于經墓

土木華麗凡賜祠五多祔冢中央豐碑二道正面無文

其碑陰詳刺魏忠賢爵里姓名意殊駭詢之守僧云忠

賢名下蘇應宣或云葛九思嘗被掠于建州從本朝入燕葬

其衣冠于此余憤甚直前澣之時與朱大司空同遊公

不以我為狂也。按碧雪寺忠賢重修天啟三年少師

葉向高撰記禮部尚書會稽錢象坤篆額今碑磨去錢

象坤姓名意作相時事也福清記中亦頗稱許魏氏

香山永安寺來青軒額明神宗手書軒之前有山突起

金章宗祭星臺也下有護駕道松覆之稱護駕松今尚

存其一

弘光寺在香山絕頂永樂間太監鄭和建和朝鮮人四

使本國中有佛閣形圓而八觚云東國之制

去香山二里許為範公寺亦內官墓中有白松八株圍

皆三抱掩映殿宇人行其下衣上不見日色

盧師山清涼寺中秘魔崖古栢一株長可尺許橫出石

縫不凋不榮云盧師手植也石經山亦有古栢一萬曆

初上過之御書靈根古栢四字

大功德寺舊名護聖寺直金山口與景陵相近宣德朝

雪峯大覺禪師駐錫于此宣帝御賜詩當年天下選高僧獨取尊師第一名即指雪峰也園陵自景皇帝外又有懷猷悼恭哀冲莊敬憲懷猷懷悼懷故大子七衛許忻申蔚岳景頴威薊均靖邠簡懷悼故王十六殤主二十六仁宗妃三宣宗妃一英宗妃憲宗妃十二按史皆葬金山與景陵相屬凡五十三園今不可別識矣吾邑談孺木先生留心明朝典故不以詩名然其北遊集中如過文信公祠七律一聯若云丞相宜全節敢謂書生合出山過陳溧陽里第云往事思仇虛偃月新編賢否總消魂陳餘刎頸交何在范蠡扁舟事可行過惠安伯張氏墓云翁仲似又能化石杜鵑本鳥不離枝贈王玄

照太守云縱寓青山非舊日翠微雲亂夕陽中過梅村先生值金壇王友三感舊云衣冠王謝多何益門戶胥原大可憂南宋朝廷終覺小中原經濟亦誰尊贈湯道耒太常云休屠祭後全非像博望歸時不待槎除夕云春蕙臘月人歸少寒倍燕京客受多如此之類皆名句也

吏部楹帖明萬曆初冢宰錢唐張瀚立功名身外事大就何妨小就何妨富貴眼前花早開也得晚開也得西洋畫以胡桃油漬絹抹藍或綠或黑後加采焉不用白地



海運道里詳梁太宰夢龍集中自淮安府至安東縣九  
十里安東至馬洛関五十里馬洛至芦浦四十里芦浦  
至楊寨四十里楊寨至白沙関二十里白沙至雲梯関  
二十里雲梯至淮河套六十里淮河套至大海東洲山  
百二十里東洲山至高公島三十里高公島至鷹游山  
三十里鷹游山至盧溝所十五里盧溝所至青口六十里  
青口至央莊五十里央莊至東流所百里東流所至濤落  
場三十里濤落至信陽場百二十里信陽至齊堂島四  
十里齊堂至靈山島九十里靈山島至竹槎島五十里竹  
槎島至浮島四十里浮島至灣島六十里灣島至鰲山管  
島至三十里管島至田橫島七十里田橫島至欽島十里

欽島至青島百廿里青島至海洋所灰島七里灰島至  
炕兒島十八里炕兒島至玄城島百廿里玄城島至雙駝  
埠二十里雙駝阜至寧津所八十里寧津所至成山衛五十  
里成山至青雞島六十里青雞至羅山所五十里羅山  
至威海衛四十里威海衛至劉公島五里劉公島至寧  
海州七十里寧海至空空島五十里空空島至竒山所  
三十里竒山至福山縣三十里福山至登州新海口八  
十里新海口至沙門島六十里沙門至桑島五十里桑  
島至萊州岫屺島四十里岫屺島至三山島八十里三  
山至芙蓉島五十里芙蓉島至海倉百里海倉至魚兒  
舖十里魚兒舖至白浪河五十里白浪至八溝何五十

里八溝至小清河二十里。小清河至清河五十里。清河至絲網口十里。絲網口至江岔河十里。江岔至大口子四十里。大口子至大清河十里。大清河至唐頭寨十里。唐頭至小沙河五里。小沙河至渾水汪十五里。渾水汪至降河三十里。降河至久山河十里。久山至大沙河二十里。大沙河至泊油河十五里。泊油至套河十五里。套河至沙頭河十里。沙頭至大溝河三十里。大溝河至桑甸河三十里。桑甸至徐家溝十里。徐家溝至乞溝河七十里。乞溝至大沽河二十里。大沽至天津衛百五十里。天津至張家灣八十里。通計淮安至張家灣海道水程共三千三百九十里。

隆慶辛未海運初，雇海鵬舡五隻，分載米二千石，每駕舡十二人，自淮安至天津，試運無碍。海道灣泊，舡行停泊，宜在舊設墩上，畫樹旂幟，夜懸燈籠，以便趨集。嘗攷平江伯陳瑄督海運于靈山，建烽火臺，高三十餘丈，今宜師此意，多為標識云。棗林雜組

明官制一書，不載翰林院庶吉士。蓋官制定于洪武年間，而庶吉士則始于永樂二年甲申也。似宜補入。按永樂二年三月己酉，選庶吉士楊相等五十人，並習文湯流。王英等十人，並習書。四月甲申，進士沈升等俱改庶吉士，脩書。五月辛丑，諸司辦事進士能書者曾慎等二十九人，為庶吉士。一科凡四選。

崇文門外二里大通橋東園舊秦鹿處地平如掌漫行  
可數里名鹿園

寶坻銀魚似吳中鱸鱖而大倍之出海中舟山下霜降  
後汴流而上育子諸浣中夏霧映日波浪皆成銀色土  
人候其至網之瓦窰頭出者尤佳明朝命內監提督冬  
月抱子以水追縣設六廠漁戶一百七十人歲進凡七  
次

蘆溝橋石獅兩行共三百六十八

石經山在房山縣西南四十里生怨題草他處所無

長平公主崇禎周后所出甲申春年十五議降周太僕

其子世顯將築館遭國變帝以御劍斫右臂斷腕賊

以貴主已殞授尸國戚五日復甦順治二年公主上書

願皈依空門上不許詔求元配周世顯應詔起即故武

清侯之第賜金錢牛車庄一區田若干頃俾成禮時乙

酉六月上浣也明年丙戌八月十八日薨年十七詳華

亭人張晨記事及吳梅村集中孫侍即春明夢餘錄則

謂公主甲申年十五傷右臂肩際明年乙酉九月成婚

丁亥卒年月互異不知孰是

華亭王圻續文獻通考藝文類中載琵琶記樂府水滸

傳又明朝宗室鄭越襄荆淮滕梁衛八王並仁宗子而

云成祖子其誤尤甚

京城各巷曰某衙衙其義無所出謝肇淞五雜俎曰闕

中方言家中小卷謂之弄南史東昏侯遇弒於西弄即卷也元朝經世大典謂之火術後因說為術術

惠世揚米脂人萬曆甲辰進士歷刑部侍郎李自成故牧卒也嘗給事世揚之家及僭號語人曰得惠先生來則甚幸因致書世揚即至拜右平章事時左平章則牛金星也自成敗後本朝兵入燕三年不見用後放歸綏德副總兵王永強作亂劫世揚從軍敗於米原鎮王永強自縊世揚不知所終

棗林雜組

北京戶部節慎庫金銀元寶各一蓋鎮庫之物以梯登其上其邊尚高於人上刻永樂九年

左蘿石懋第北使被幽留都階至攝政王使人宴左

侍郎飲酣語曰此太平宴也左問所自曰江南破矣左

悲不勝什席于地作絕命詩閏六月十八日遇害都人吳某收殮同時被難者五人其一則兵部司務加職方主事崑山陳用極也

東林雜組

姚廣孝謚恭襄初從祀太廟嘉靖中移祀大隆善寺故元崇國寺也今斥為馬廐

崇文門內舊有于忠肅公祠萬曆乙未二月己未勒建額曰忠節本朝順治中公之像旁被毀吾邑人談孺木作弔于太傅祠文以憫之今相傳為京師城隍神

江寧靈谷寺琵琶街側有池曰八功德水今澗按八功德水見佛書在天竺國一清二冷三香四柔五甘六淨

七不噎八除病

各省俱有湯泉直隸十三江南十三山西十一山東十七河南十陝西十四江西十七湖廣十六四川八福建六十一廣東十五廣西三雲南十八浙江三貴州二大抵其下有白礬丹砂硫黃三物乃蒸為煖流後周王褒溫泉銘云白礬上徹丹砂下流明廣陵素喬云雷火所灼其氣亦硫蓋極陽之氣也

明朝諸陵孝陵在應天府朝陽門外鍾山懿文太子祔塋于側曰東陵長陵在昌平州城北天壽山自紅門進御道凡二十餘里舊名東祚子山永樂七年卜建改名天壽後視高山數十重來龍跌斷明堂平濶祔塋十六妃獻

陵在長陵右祔塋四妃景陵在長陵左祔塋七妃裕陵去昌平二十五里獻陵之西祔塋十八妃茂陵去昌平二十七里裕陵西北祔塋十四妃泰陵在茂陵西無祔康陵去昌平三十五里泰陵之西九龍池環其前永陵去昌平十八里長陵之東南兵部侍郎餘姚駱用鄉所擇祔塋妃三十嬪二十六昭陵定陵在大峪嶺徐尚書學謨所擇時通政叅議梁子琦等難之為輔臣申時行王錫爵所斥崇禎初尚書姚思仁督理多朽石吾邑陳與郊以給事中巡二宮壽宮五室中三間待馭四隅維以鉄素各大銅缸注油左右室通門待中宮及嗣帝所生母升祔廟閣壽宮自坐石室飲酒慶陵德陵石橋高

不五尺，其末五丈，砌石無多而耗二十萬金。且陵地窄，甚僅當兩山之腋，在永陵左，沙相距不百步也。思陵在紅門西三里，與諸陵隔河。諸陵在河北，思陵獨在河南。即故皇貴妃田氏園，諸陵明樓俱有碑題。某宗皇帝之陵，稜思門內有碑，俱無字，閉以木柵。本朝入關，惟定陵猶被燬，餘仍令太監守護。康熙二十年，添設守備一員。

皇城北苑中有廣寒殿，相傳遼台梳粧樓，成祖定鼎北京，勿毀以垂鑒戒。萬曆七年五月四日，樓傾，梁上金錢百二十文，云至元通寶，則樓創于元初，非遼時物矣。張江陵雜著

涿州素乾河中有塔，名鎮河。嘉靖元年塔崩，內有古錢，皆飛空如蝶，自後河水不時泛溢。涿州志

都御史葉盛巡撫宣大，於沿邊孔道俱設煖鋪，即唐人邊鋪也。

蘇州冰厰明季已有之，凡十六所。本朝兵始至，問厰何為，曰：藏冰者謂伏兵也。焚其五，始悟。

一品榮，婦日雙親未老時，嚴文靖公堂聯無毀無譽，三代直道而行，知止知足，四時成功者，退定聯財不求羸，敢為子

孫益過位，嘗踰分當思，齒角難兼。陸五觀此足見盛世縉紳氣象。

沙河縣宋文貞公環碑，斷沒土中。正德丁丑，縣令方思

道治鉄二百斤貫而續之今尚存不甚剝蝕德清談未  
庵宰此邑曾以榻本見貽

保定有定霸城宋楊延朗所築金時以其磚他用其土  
基尚存嘉靖中霖雨潰城西北隅得人骨數十具植立  
土中髑髏各戴兜鍪旁倚兵伏石刻云活築惰工百戶  
徐瑾一行兵役見者竦然長安客話

成化初韓襄毅雍南征平大藤峽賊斬大藤中空鞞草  
為鼓置叅府前聲震數里兵使某移于行臺扣之無聲  
移埽故處聲復鳴

京師皇城內西苑古檜一松四並金時植嘉靖中封松  
為指揮使其俸米專飯孤貧

國子監文廟古柏並元許文正公手植

京師外城天壇柏榆錢凡榆春錢獨天壇之榆錢以秋  
報國寺舊有矮松二株其右尤奇幹長不過數尺而枝  
橫數丈文人往之觴詠其旁自內城之隍廟市移于此  
每月三度為禡馬之具數年來無復存矣

槐樹斜街即土地廟斜街舊時古槐夾路今每月逢三  
日為市集槐亦僅有存者

昌平州天壽山古槐相傳竇禹鈞家物樹中枵可布三  
五席稱竇家槐按禹鈞周之諫議大夫也故居在薊州  
城東今其地尚有竇氏莊  
涿州西南十五里樓桑村昭烈故居按本紀道右有大

桑高十丈如羽葆乙丑二月同楊嵩木游此覓土人為  
向導至則頽垣破廟問所謂樓桑無能指其處者廟創  
于唐乾寧五年先主像與關張並列  
三峽產雲南稗一名鷹爪稗播種畦植與五穀爭價他  
處所無也

遼陽東二百餘里山深林密不見日色下產人參其苗  
高出百草之上採者以夏五月裹糧披榛而入或迷徑  
為虎狼所啖或人相遇弱者鬪死強者攫所有而出以  
地近皇陵恐傷龍脉邇者挖參之禁甚嚴罪至殊死而  
趨利之徒輕生不顧也  
大內多異物歲一閱視出之于廷有瓜子長五六寸潤

如之不知何地所產袁貴妃父祐說見楊士聰王堂蒼記

旱金蓮花五臺山出瓣如池蓮較小色如真金曝乾可  
致遠初友人自山西歸有分餉者以點茶一甌置一朶花  
開沸湯中鮮新可愛後扈從出古北口外塞山多有之開花在五六月間入秋莖葉俱萎矣

各省歲貢芽茶共四千二十二斤內江南宜興縣百斤

六安州三百斤廣德州七十五斤建平縣二十五斤浙

江長興縣三十五斤即奉茶嶧縣十八斤會稽三十斤

永嘉十斤樂清十斤臨安二十斤富陽二十斤慈溪二

百六十斤宋置茶局進麗水二十斤金華二十二斤龍

游等縣共二十斤臨海等縣共十五斤建德五斤淳安

五斤遂安壽昌二縣共六斤桐廬二斤分水一斤江西



南昌府七十五斤南康府二十五斤贛州府十一斤袁  
州府十八斤臨江府四十七斤九江府百二十斤瑞州  
府三十斤建昌府二十三斤撫州府二十四斤吉安府  
十八斤廣信府二十二斤饒州府二十七斤南安府南  
康縣十斤湖廣武昌府六十斤岳州湘陰縣六十斤寶  
慶府邵陽縣二十斤武岡州二十四斤新化縣十八斤  
長沙府安化縣二十二斤寧鄉縣二十斤益陽縣二十  
斤福建寧府建安縣一千三百六十斤內探春二十  
一斤先春六百四十三斤次春二百六十二斤紫筍二  
百二十七斤薦新二百一斤崇安縣九百四十一斤內  
探春三十三斤先春三百八十斤次春一百五十斤薦

新四百二十八斤。南宋時蘇州茶額六千五百斤元  
無額明納錢三百十九萬三千有奇。成化三年南戶  
部奏准供用庫歲用芽茶坐派池州府二千斤徽州府  
三千斤茶葉徽州府二千斤蘇州府二千斤滁州府二  
百斤徐州二百斤和州三百斤廣德州三百斤。四川  
茶園十株取一。徽茶二兩。茶四十斤。易番馬一匹。李文  
忠以茶五十餘萬斤。易馬一萬三千五十八匹。今茶課  
本色十五萬八千八百五十九斤。係石泉建始長寧等  
縣。并建昌天全烏蒙鎮雄永寧九姓土司辦納。陝西  
茶課今五萬一千三百八十四斤。係興安紫陽石泉漢  
陰西鄉歲辦。

宋元時貢芽茶以建安為上明朝不貢閩茶即貢亦倚  
宮中沆濯既盥之用貢使率費銀抵京買納間有採辦  
亦取諸延平非武夷也延年人呼製茶者曰碧盞

龍生九子蒲牢好鳴囚牛好音螭吻好吞嘲風好陰睚  
眦好殺負鼎好文狴犴好訟狻猊好坐霸下好負○又  
博物志憲章好囚饕餮好水螭螭好腥蠶蛉好風兩螭  
虎好文采金猊好烟椒圖好閉口蚶蚌好立陰鰲魚好  
火金吾不睡皆龍種也

平湖徐在中以工部郎分司張秋張真人舟過其侍見  
膚貌清麗徐見而謔之真人曰先生宜自重此某地龍  
也徐不信命進盤水侍兒躍入雷雨應時而作

萬歷己卯行人謝杰使琉球航海颶風作大雷雨有龍  
二掛于樞上一長年曰此未朝璽書耳急扶杰起書免  
朝二字示之即退

龍涎香出蘇門答刺國其國西有龍涎嶼峙南亞里浮  
洋中群龍交戲其上遺涎為國人駕獨木舟伺採之每  
一斤其國值金錢一百九十二枚准中國銅錢九千文  
嘉靖三十四年下戶部取龍涎香百斤徧市不得廣東  
藩司購每斤懸價千二百金僅得十一兩進內驗不同  
仍亟取真者廣州獄囚馬那別的貯有一兩三錢上之  
黑褐色密地都密地山夷人繼上六兩白褐色細問狀  
云黑者採在水白者採在山皆真不贗尋有密地山商

再上通前共十七兩二錢五分次年進內辨驗是真自後夷舶稍稀挾來定價每兩售百金其為用入香合和能斂腦麝清氣數十年香味仍在焚之翠烟裊空不散涎沫有三品一曰泛水一曰滲沙一曰魚食泛水者輕泛水面涸人伺龍出隨取之可入香用滲沙則凝積多年氣滲沙中魚食則化糞散于沙上皆不中用而魚食又有二種海旁有花若木芙蓉者春夏間盛開花墮海中大魚食之或先食龍涎則腹中脹滿昂頭向石上吐沫乾收可用惟糞者不佳

弘治元年左副都御史邊鏞奏禁織蟒云爾雅蟒者大蛇也蟒無角無足龍則具角足今織蟒供龍非禮請禁之

脆蛇出崑崙山間人殺即寸斷人伺其斷鉗取之須寸各異處待風乾入藥若少頃無人殺寸寸仍續成蛇主治色癆及驚疑喪膽諸症本草方書不載見玉鏡新談八梢魚灰褐色無鱗腹圓口生腹下後拖八尾產遼東海中永平盧太守騰龍以餽明相國庖人來詢魚治之法余亦不知也以意答之用滾水燻去皮其尾如猪小腸而色較白寸斷之用葱韭雜炒及登盤鯉氣觸人不堪下箸而一統志載入遼東物產太守以充土貢何所取也

通州人葛原六以布衣獻鯽魚百尾時用法嚴或阻之

原六咲曰爾不上食父母耶君猶親也庸何傷及至上  
召問曰魚羹何如對曰臣未進不敢嘗也上大悅命賜  
酒食仍還其一曰勞汝其後歲進至九十九尾著為令  
永樂時山東進野蚕絲製衾薦太廟群臣稱賀今齊東  
山谷處有之與家蚕等蚕月虻種出蛾散置樹上聽  
其眠食食柎葉者名柎細食椿葉者名椿細食椒葉者  
名椒細野人飼蚕架廬林下手長竿逐樹按行為禦鳥  
鼠其穰者春夏秋歲三收焉有一種蚕之小者作蠶堅  
如石大才如指頭在深谷叢林間不關人力樵牧遇之  
收曰山蠶

弋陽汪少宰偉嘗赴中官席飯僅半甌香滑而膏異於  
常產問所出則蜀中歲進其米生于鷓鴣每尾止取二  
粒放去明年仍可取也

西苑獅日食一羊西域胡人主之白布纏首金帶衣綠  
支正三品料

明孝陵享殿太祖高皇后南向左淑妃李氏生懿文太子  
秦愍王晉恭王次皇妃某氏生楚王魯王代王郢王齊  
王谷王唐王伊王潭王又次貴妃某氏生湘王肅王韓  
王瀋王又次貴人某氏生遼王又次美人某氏生寧王  
安王俱東列碩妃生成祖獨西列見南京太常志孝慈  
皇后顯然無子而弇州別集同姓諸王表自懿文成祖

外秦愍王棟。晉恭王桐。周定王擴。俱母高皇后。吾學編亦然。與志不合。不可解也。

鄭貴妃。父承憲。貧甚。以女許孝廉某為妾。臨別悲慟。孝廉閱之。遣還。不責聘。鄭感其意。脫隻履。予孝廉。矢報已而入宮。大得幸。念前事而忘孝廉名。命小璫售隻履于市。索直若干。無應者。時孝廉計偕。聞而往。合其履。妃泣告于上曰。非若人。妾不及執中槲矣。亡何孝廉謁。選得善地。厯官監。運使。貴妃後生福王常洵。有如意之愛。上書其名于金盒。屬妃藏之。約他日以為東宮。辛丑十月。皇長子受冊。貴妃持盒泣訴之上。啟書字俱蝕。嘆曰。此天也。妃卒。後謚恭恪惠榮和靖皇貴妃。

孝節貞肅。淵恭莊毅烈皇后周氏。父奎。蘄州人。微時寓

京師。寄食為人筦庫。元配生子鑑。繼丁氏生子。及

后。信王選妃。后與馬信。卹入正大位。后生東宮。及定王。

貴妃田氏。永玉悼靈王貴妃。寵日盛。意圖奪嫡。一日永

和宮婢貴妃居於金狻猊下。悞觸定王中宮銜之上。每

召貴妃。妃例御鳳輿。小璫舁之。是日舁以宮婢。上問故。

曰。小璫多姿。肆無狀。扣其實曰。聞坤寧宮小璫狎宮。故

遠之耳。上色動。即搜其處。大得狎具。蓋宮人各侶其璫。

所謂對見也。一名對食。上驟怒。立遣諸小璫。中宮因懟

恨成疾。嘔血。有老宮人曰。田氏宮中。獨無對見乎。亦可

搜也。已而果然。上疑始釋。都督田弘。過聞之大怒。嗾貴

妃上章引咎上意解令省愆例閉中門從旁門出且以章示中宮明無嫌也其章出御史湖南劉興祥手蓋弘遇所囑云貴妃薨明年春弘遇復進少女年十三見寵欲即進封司禮太監某言貴妃以選入非外進也乃止賜珠簾等物嗣後貴妃妹走天津珠簾猶存後為朝士某妾。按田貴妃名秀英其妹名淑英

徐中山第三女名妙錦文皇欲娶為繼后女不可因不嫁而為尼嘗論革除事建文君當坐殿上燕王至苟不讓則死之何必自焚竄每語遜國事未嘗不痛哭也崇禎十六年五月大學士周延儒放歸復見徵知不利求解於中宮賂嘉定伯周奎十萬金達之中宮請授指

東宮東宮每晨謁及是啟曰近來久不見周先生何也上曰爾何自知周先生荅曰父皇嘗稱周先生故知之。上曰此非好人今不得稱先生上心知其奸尋賜死其日黎明錦衣弁同法曹至私邸排闥而入家童各驚匿周求青衣未得緹校脫而衣之拜命飲泣求筆墨占句倉皇不屬使者促之投筆就縊

萬曆十二年故太師張居正子禮部主事敬修自縊遺辭其略云五月初三日邱侍郎至府初四日即差官提敬修面審大意坐先公以二百萬家貲又要扳承天夷陵本縣三家坐曾確菴家寄銀十五萬坐王少方家寄銀十萬兩坐傅大川家寄銀五萬兩只得從當事之意

料三家斷不能完結此事吾日後何面目見之又以母子叔姪恐團聚一處有串通之弊於五月一日出牌追令隔別不得接語幽囚倉屋風雨蕭蕭青草鳴蛙無不助予之悲悼遭時如此已無生路不得已託言片楮以代剖心此書送各司道一日五月十日寫完以期必遂而夢兆稍吉不果至十三日各欽差上司會審叔姪俱嚴刑拷訊父母遺體平生眼不見刑具脆薄之軀豈能勝之比數之莫可逃也任巡按活閻羅你也有父母妻子之念何忍殺人媚人如此之酷烈也有便乞傳山西蒲州張相公說張門事已完結矣無煩掛念願你輔佐聖明天子於億萬年也云云按邱侍郎名樞齊人懸貶

酷拷貶楚患數年卒無子任巡按名湏更考

康熙乙丑年元旦立春有大老署門云歲朝春百年難過聖天子萬壽無疆按崇禎元年元旦立春陳眉公用此聯作楹帖

郊上辛社稷上戊文廟上丁戊在丁後故先丁如十日丁則一日戊當先戊而後丁弘治間吏部主事楊子器上言戊從初十之丁則次戊非上戊也時無諳禮者竟寢不行李崆峒集

四明中秋宴飲以八月十六日相傳史彌遠官臨安還家度節沮風是夕始到遂沿為俗

葉業師云

洪武十七年勅每月朔望祭酒以下行釋菜禮郡邑長

以下詣學行香。○按北齊每月朔祭酒博士諸生展拜階下郡縣朔朝朔日行禮始此其後遂以朔望行香朱子曰謁宣聖焚香不是古禮捻香不當叩頭只直上捻香即出笏叩頭而拜由是觀之則宋亦然矣

康熙甲子秋九月海岱門內地中忽作聲有光如電初以為地震也已知其地舊埋火藥覆以大石板上土厚尺餘不知何故忽發飛石所中凡傷二百餘人無錫邵文莊寶二雨辯云雲興于山勃然滿盈既蘊而隆以雨者山雲也謂之山雨雲興于海倏然瀾漫既翕而盛以雨者海雲也謂之潮雨海雲之雨乘風以行雷鳴則止山雲之雨挾雷以動風吹則散海雨夏少而秋

多山雨夏多而秋少。

弘光初有携日本小歷一紙來者字體並從本國書首題寬永二十一年及大將軍等字

房山縣石經山峰巒秀拔名小西天隋大業間僧靜琬懼本教有難不能流通發願募工鑿石刊造一大藏經積于此山至唐貞觀初僅成大涅槃一部靜琬沒後其弟子通判造餘部歷遼金始完一大藏貯于岩洞者七地穴者三洞鍵以石門穴鎮以浮屠自來兵燹不之及二郎神即嘉州守趙煜斬蛟者也不知何代封為清源妙道真君

泰山自下至巔五千三百八十四步五尺紆折皆在其



中高三百八十六丈九尺一寸。寔十四里零八十餘步。  
應劭漢官儀云：自下至古封禪處，凡四十里者，妄也。有  
泰山道里記：沁水張大理五典云：

靈隱飛來峰，元僧楊璉真伽編鑄佛像，明嘉靖朝太守福  
清陳仕賢進士辰以揚及郟僧聞僧三石像，斲其首，瘞獄  
中，獄中大疫，或云悞毀佛像也。

入蜀有三谷四道：西南曰褒谷，從褒入南曰駱谷，從洋  
入東南曰斜谷，從郿入其所，從皆殊舊志謂首尾一谷  
者，非也。其棧道有四：從成和階文出者為沓中陰平道，  
鄧艾伐蜀由之；從西當出者為故道，漢高帝攻陳倉由  
之；從褒鳳出者為今連雲棧，漢王之南鄭由之；從城固

洋縣出者為斜駱道，武侯屯田渭上由之。丁卯五月，吾  
鄉許時菴編修典四川鄉試，欲強余同往，余不果行。為  
詳考道里以當贈行之篇。

甲申京師被陷，始末詳談孺木金陵對泣錄中。今全錄  
於後云：光祿寺署丞膠州高弘商自賊中脫歸，秋末省  
其兄相國，備述前厄云：三月己丑朔甲辰，上召考選中  
外官三十三人於中左門，諭曰：國家多事，南寇北口，聞  
寇已薄，固閑雖無確報，可謂迫于門庭，朕已修省待咎，  
此時何以撲勦，何以安人心，何以生財，何以足用，爾等  
其熟計之。崑陽知縣黃國琦首對曰：賊之驕由于招撫，  
從來招撫無裨于事，上問安人心，對曰：安人心不難在

于聖心聖心安則人心自安上首肯筆記其名又問生財對曰今生財云加派云捐助俱非也豈非一而再二而三乎皇上宜搜內藏盡所有以為外用上又首肯因問用人對曰天下未嘗無人但人未必為用上大是之立除兵科給事中餘以次對未畢俄傳外札上手拆視訖倉皇遽退各官不敢散已傳駕回宮各官乃散知賊已至昌平也各官環閣臣于御河橋楊觀光等責以城守事魏藻德曰大家做靠不得一人是日內閣課庶吉士東宮日講官劉理順何瑞徵講論語首章未竟賜茶退夜二十刻部推左懋恭戎政兵部右侍郎總督城守未報乙巳閉都門時傳吳三桂兵至不知即賊也夜攻

阜成門

即平則門

并廣寧門

即彰義門

西便門漏下二十刻砲聲

漸急丁夜後砲愈亟賊環攻有旨城堵尚虛一千八百守卒俱稱無餉襄城伯李國楨不登陴丙午已刺賊入阜成西便二門人不知也丁未昧爽市人云官女出西華門或傳聖駕昨出城辰刻宣武門北有內臣戎服可千騎云王太監救火呼開門荅以鑰在中府擊之鎖未碎或云前門開遂沿正陽門至則被矢砲不可近自長安右門還宮已刺賊入宣武門肆掠內臣被禍尤慘李自成射承天門題榜矢中天字上馳入宮午刻偽示五城購車駕所在戊申午前內傳先帝自盡于煤山偽諭明朝文武大小官員俱限次日赴各將軍帳下具職名彙

冊送覽願復官者量才擢用不願復官者草職為民准給路引即故回籍敢有匿而不報而隣長班房主一併誅戮自是各官俱分授職名權將軍李友家自己至酉共報七十三人劉斯球等其去者以草職回籍也主賊錄職名籍貫履歷寓舍僮婢長班錄訖皆駢對廳錮之工部侍郎陳必讓不即入擊以輿杠已酉先帝后移東華門蓆舍武選主事大足劉養貞出私錢八千得柳棺殯之先帝不幸時首露網右足靴身衣短後布衣胷題朕既喪國無顏冠冕見人是日同先后長椅舁出先后衣笄甚肅鼻微傷其裳紐結越三日賊出梓宮二一冊漆一黥漆改殯焉先帝翼善冠龍袍玉帶滲金靴先后

袍帶亦如之定王騎騾來臨不敢哭而去次東宮亦騎騾至青衣褻帽頭觸地良久雖不哭隱痛不能起賊擁之去諸臣臨哭可四十餘人臨而不哭者三十餘人養貞日侍側哀毀被執至李友處友捷邱字衙衙許錦衣宅年五十餘性兇悍所錮各官許家人傳餐邱其面而入出即去之癸丑薄暮李友傳各官各據朝本朝見光祿寺監事林蘭友問朝本何若有佐史吳某云紅摺黃面開職名朝見蘭友如其言餘倣之刑部尚書張忻言黃摺非所用付紅單職名酉刻李友列騎七十三隊各騎各五露刃押各臣赴窩鋪偽將劉宗敏拘千六百餘人夜半叱起俱蓬垢人予匹馬飛馳入西長安門出東長

安門過御河橋皇王夾道進東華門始知非朝也至會極門偽相牛金星深衣盤坐棕毯上面東向右侍郎宋企郊盤坐金星側北向金星據縉紳錄一部硃筆點唱先令甲科打恭餘誦御貫諭高聲以應或托疾則令扶候合選即圈于錄上赴部聽銓注畢且回各營奔仆數人乙郊又選各官昧爽由午門入會極門牛金星宋企郊如前唱選預名者令候會極門否則出東華門或令出西華門不解其故蓋東皆回營西皆斬于門外凡七十六人多勦戚丙辰各營拷職官追贓內臣加炮烙尤慘劉宗敏家論官大小勒限贓完日釋之李友等各混拷不勒限李友家七十三員選用二十九人聽其自捐

夾傷十之四劉養真再夾惟呼太祖高皇帝追四十三兩又銀杯二又徵之不應曰我寧死也王都等杖斃崇雅徐通州倉場侍郎來謁李友角巾綠衣諸人就問竟蹙額不荅中書科舍人吳橋沈集始被拘佯風疾時呼流賊來殺流賊屢受鞭不之拷至四月二十二日同釋四月戊午朔乙丑黃紙傳二十七日即位塘報吳三桂舉兵逼京師戊辰李自成馳偽勅及吳襄手書招之三桂碎其勅擲文書不啟斬從使四人釋回一人自成聞斬使大怒召李友等點兵站隊庚午自成質東宮二王及吳襄東行步騎三十七萬戊寅吳三桂擊自成大敗之僅四萬騎回京步卒盡沒賊將李肖字所部萬三

千人才還騎十七。庖人一家丁二。云經戰十三年。未有如此之敗者。癸未午刻。李自成回京。入德勝門。從馬約七千匹。列東華門二十騎。自御道入。前一賊抱嬰兒不知何人。也是日。故學士楊觀光。何瑞徵。光祿少卿李天經。李延鼎。同鴻臚寺官八人。勸進自成。曰。事且亟。何登極之有。劉宗敏厲聲曰。已有旨。明日登極。各官可出料理。各官退。宗敏與自成爭曰。爾十幾年辛苦。一旦敗壞。若不登極。何以回閔中。自成默然。甲申。果僭號先燬太廟。主從此壞。民居運入大內。為爨具。丁亥卯刻。賊出阜成門。留卒七百餘人入大內。及各巷縱火。高弘商拘李友家。被夾勒四百金。詹事張維機。生事蕭鴻基。至夾其骨。張尚書鳳翔前出獄。被拘勒四百金。不夾。

李自成入燕後。拘明朝大小各官。分營追賍。有中書十數人。同拘繫一室。忽傳偽旨。是夜俱令自經。鑄鎖甚密。外嚴共收之。各員以次雉經。氣絕。縋斷。大半墮地。伏尸相枕籍。蘇州申濟芳。獨逡巡不就。縊。天黎明。關守者啟鑰入。申急迫。伏積屍中。詐為死狀。一守卒云。生死未可知。當頭人與一棍連楮。數人忽一卒云。料此輩已無生理。鞭尸何為。遽舍之出。午後命各家僮識認尸首。負歸殯殮。申竟得脫。後年八十餘卒于家。太倉唐實君為余說。

甲申四月。京報絕。月餘。留都疑阻。十三日。有中人夜至。

內府云京師三月十九日已失守。明晨張總憲藐山

慎言

借御史周元泰、朱國昌、郭維經、米壽圖、至高司農、弘圖、確齋所、少頃、確齋及史尚書可法、呂侍郎大器、姜詹事

曰：廣集議監國、首福王、或云潞王、時並僑淮安、高張之意、属于洛陽、史頗不然之、意在衛輝、恐北耗未確、尚爾

逡巡、俄奏、差回自都下云、三月十六日、丐服、手菜筐、逃

出京、其夕、炮聲遠震、迨旦、寂然、餘不知也、諸人唯唯、各

散、二十二日、史尚書以三千騎、勤王渡江、俾呂侍郎揖

禮部印、越三日、史尚書速諸臣往江浦議事、侍郎得史

手札、即傳示諸公、素服會清議堂、謀葺武英殿、二十七

日、有中人奔南、備悉函問、是日、苦奉先殿、姜詹事撰文

高尚書舉華云、神宗皇帝之第二子、第一藩云云、而史

尚書札至、意專衛輝、尋又札云、洛陽衛輝並南下、當拈

闕孝陵之前云云、亡何、總督鳳陽馬士英書來、奉福王

發淮安、將及矣、即日、守備南京太監韓贊周出迎、二十

九日、王舟泊燕子磯、明日、抵龍江、閣先召見列侯、次尚

書史、可法、高、弘圖、程註、都御史張慎言、同謁舟中、王左

手挈史、右手挈高、跣泣答之、角巾、衣葛、坐榻上、衾枕俱

敝、蚊情不具、五月朔、登三山門、環城而東、謁孝陵、自朝

陽門入、經東西華門、宿外守備廳、四日、監國傳諭天下、  
是後也、南都始議、未定、馬士英成之、史尚書前督鳳陽、  
稔知福世子、湛於酒色、徐魏公、即基、值高、尚書于皇城

下曰事亟矣惟賢是立何論序乎史在高郵聞福王舟近即列諸臣名啟迎或云士英初意亦不專洛陽與史尚書同偶值福王舟擁而南背其始議後謂臣以兵十萬護蹕臨江欲駕南都諸公之罪給事中李沾謂告廟文出臣輩皆非其寔也

南渡年號閣擬定武弼先拜天探籌得弼光冢宰張藐山曰先字一於文為火清朝年號曰治從水水能剋火奈何果如其言

馬士英挾迎駕之功自江北來朝不欲出鎮故事輔臣必有入閣辦事之旨士英特繫銜大學士非內任也竟據政府史相國因自請出鎮鑄督師輔臣之印士英忌史聲望遠出己上又史先東士英有福藩不忠不孝等語士英意費之史求還故牘終不相忘掣肘陰蝨以勞勩難泯遂移搆新建姜相國謂觀望異議莫并陷史也

燕京從逆諸臣留都傳報不一其最著者鄉人乘怨輒馳檄聲討始蕪則首項煜錢位坤宋學顛湯有慶常熟則首時敏皆焚毀屋廬尋臺臣嚴禁御史初彪佳撫安蘇松常鎮誅者亂六人乃止

桐城阮大鍼初附東林與嘉善魏忠節爭吏掌科因投逆璫歷太常少卿坐黨廢避禍金陵稱詩好客素善內臣馬應芳馬士英僑南都時數數過從南渡初總憲張藐山改冢宰奉詔言逆業置勿用大鍼計沮喉誠意伯

劉孔昭拉勳臣廷攻冢宰專右文臣自是冢宰四疏乞  
休士英密荐大鉞言其知兵立除兵部右侍郎召對以  
高相固廷爭臺省交論未拜命而心益急士英令徐俸  
之及涖官每朝罷輒手招士英就語自示於諸紳中日  
同士英輩狎飲後常熟錢侍郎附焉錢寵姬柳如是大  
鉞請見遺以玉帶曰為若覓恩封誅孺木云  
張冢宰藐山去後誠意伯劉孔昭之權日甚自謀入相  
不得乃荐兵部侍郎德清蔡奕琛南都之禍始於誠意  
潰於士英大鉞

司禮韓贊周字象雲賢內侍也福王始而憚中而踈  
末且厭之嘗盛夏擊球三人交筵不休贊周凝立不動

十二月西宮成臨御上色不怡贊周請其故上曰無佳  
優人奈何贊周泣曰臣意官家思先帝乃如此抱恨乎  
上長責太監馬承芳尔但知印堂安知我印堂指贊周  
也

黃澍本歙人年少輕侮作葉子格品第宗婦之貌見擯  
于族走杭州冒籍郡庠丙子舉于鄉明年成進士授開  
封推官壬午禦流賊聞渠轉粟河水秋溢遂灌汴城禍  
自開渠始又搜民間藏粟併金錢奪之詐人切齒及內  
召烈皇帝面問開渠者誰也委之流賊利口迅舌人莫  
能難以御史按楚未及瓜遽入朝意覬開府廷勅馬士  
英青數其罪福王色動云黃澍言之有理願高相國記



之士英跪階下惶媿欲死出因行金結內臣張執中等  
蓋平賊將軍左良玉噉馬氏故大言清君側之惡澍出  
良玉手書扶重鎮以叔之及澍還按楚士英陰遣人購  
良玉而澍孤矣尋免其官畏禍匿良玉所女歸其子明  
年左氏稱兵犯關實澍為之厲階也

乙酉五月南都敗士英出逃至孝陵詭飾其母為太后  
召守陵黔兵自衛所過劫一空從廣德州走安吉知  
縣黃翼聖掃衙舍以停偽太后及士英家眷浙撫張秉  
貞下檄安吉問太后真偽翼聖啟云閣部既真恐太后  
亦非假張遂脩法駕迎入杭州偽太后駐朝天門東李  
總兵宅士英屯兵湧金門外王氏園潞王恭謁太后如

常禮辭之己令妃具宴送入妃躬詣陪侍復峻辭之日  
久惟與士英後妻及婢數人相處人始疑其偽本朝  
兵將至士英走台州魯王監國訪太后不得會稽熊少  
卿汝霖責士英不扈皇上乃母后之狗乎士英無以應  
戴山劉先生前削籍家居南渡起左都御史入京不携  
冠服先馳疏自稱草莽臣歷指時事之失內及澍將封  
爵貴陽及劉澤清忌之蓋劉自臨清南遁謂中其隱各  
疏攻先生澤清疏并列左良玉黃得功劉良佐高傑各  
請加以重僇寔各鎮不知也先生至南京借冠服赴任  
士民鼓舞稱快群璫亦曰劉先生君子也恐不得久耳  
果即引去

旨稱閣臣例先生九列例稱鄉徐冢宰石麒麟忤貴陽有旨叱其名徐尋引去

甲申秋南教坊不足充下陳私徵之遠境阮大鍼揚文駮馮可宗輩各購進大內嘗演麒麟傳奇劇未終故人首戴金鳳者三蓋官中例承幸者戴金花以自別也甲申九月南都有選官之命皇太后自于外守備廳擇六人未噍命再選初各官恐慎其後會于貢院狎笑褻視選七十餘人寢及蘇杭太后侍女金花年十八來自中州殊色也所選並不逮王待如妃禮明年阮大鍼入其宗女雖姝麗究不知誰氏也又書佐周某自獻其女太監田成來駐杭州貢院樹黃旗二選五人止王氏留

京上之出奔也阮氏周氏王氏命還家

福王時雜謠口知老年要做官非騎馬英士即種田田大監

射人先射馬英士擒賊先擒王鐸紅花開天子來不辦衣

衫只辦鞋口又聯周延儒字玉繩先賜玉後賜繩繩繫

延儒之頸一同狐狗之頭馬士英號瑤草家藏瑤腹藏

草草貫士英之皮遂作犬羊之鞞口自成不成福王無

福兩下皆非真主北人用牛金星南人用馬一般俱是畜

生

倪鴻寶先生與同邑丁庶子進俱天啟壬戌進士選庶常嘗中秋聯句丁首唱云中秋佳節好吟詩為人所晒上偶問崩字何義丁曰君死曰崩倪曰先帝休遊曰崩

進自慚漸與倪成隙倪少娶餘姚陳氏失歡後官尚書以妾王氏膺誥封丁遂脩怨喉誠意伯劉孔昭許其事倪奏辨陳氏失母意遣婦外家命娶王宜封引海瑞前妻許氏潘氏弗封封繼妻王氏爲例幸上不問倪竟以此自免歸陳氏實同母夫人居非遣歸者甲申末陳氏訢于朝時孔昭任事奪王氏改封陳氏

史相國分立四鎮意在收江北之援卒不得其力先是四鎮兵各三萬餉六十萬高傑最強悍黃得功劉良佐次之劉澤清爲極弱史于揚州大會諸將下拜求出師傑雖跋扈頗感動遂率衆而北傑至睢州爲許定國刺死中旨切責定國定國畏罪遂竄本朝兵南下

乙酉三月初九夜嘉興府城內外居民戶上各有圈或紅或白或書上或書日或斜書双曉起驚異不知所自至閏六月羅兵燹惟白圈白書之家不火徐敬可云

楊文馳字龍友貴州解元不第宰青田後量移江寧癸未蕪湖兵擾西征自效事平仍返縣任張藐山改都御史疏劾文馳榜其門不令視事明年夏馬士英入相文馳以甥壻起鎮江推官未行擢職方主事尋監軍鎮江明年五月拜巡撫食都御史一日遽南遁時總兵鄭彩方陳列江上聞之兵立潰福王聞報即出奔迨曉馬士英亦逃南國止

福王稱制語輔臣以先後妻妃三時方訪母后於中州

未及宮春御史陳潛夫按河南以童氏至有司護送入京年殆三旬坐詐冒下錦衣衛獄童氏從獄中上書云某年月日娶我某年月日墜下出亡所衣某色所飯何品所出何地又首帕妾所加也云云此書不知緹帥馮可宗作何狀獄上後傳諭有與潛夫同臥起之語絲綸之地豈應污褻若此耶聞劉澤清婦刘氏上馬士英夫人書救童氏

乙酉六月本朝兵至杭州潞王常澆澆巡撫張秉貞以城降兩浙風靡總兵王之仁守定海上其印都督方国安自杭走金華與朱尚書大典合兵尚書以方兵剽詐不許遂相持會山陰大學鄭遵謙倡義兵熊少御汝縣孫職方嘉績應之寧波則刑部員外郎錢肅樂浙東響集

迎魯王扶台州西興築土城守江國安東下富陽分屯金村嶼朱橋其屯朱橋則國安兒子元振也魏士漢營大總兵萬餘船五百餘沿朱橋列柵至轉塘口或說之曰山路莫要于西溪而橫山大嶺扼其衝旁多間道叢竹可伏兵從此距營二里為清風亭以千人據之且西接五雲天竺可俯瞰杭城益張疑兵連合江東縱復不利豈能越險薄我營哉元科不以為然元科亦國安兄子戍旗營三總也八月元科以三十騎直趨大和塔明日戰于清風亭江東兵莫敢登岫越三日本朝大兵自六和塔來攻固安浮江身自督戰自晨及晡固安失利本朝大

兵覘橫山清風亭俱無伏。九月幾望，以八百騎自清風亭，五百騎自橫山夜去營一里，乘勢奪橋，偪寨門，守兵皆走。元科手斬數人，嬰柵力戰。本朝大兵登廟山望柵中，白牆不相屬，遽發砲，牆傾，大呼馳入。方兵大潰，僅得及舟而遁，遂焚其柵。自是國安不復能渡江。丙戌五月，征南大將軍貝勒孛羅至西興，荆國公方國安將走台州。馬士英以許封西平王，勸國安降，遂解甲。後與元振俱被殺。

馬士英奔紹興，辨臣非喉國，又挾方國安為重，命戴罪圖功。丙戌六月朔，首逆。

金正希先生倡義于休寧，同縣令河通武遣諸生朱備

迎黃澍於九江，寔不知澍已通款本朝也。九月，本朝師

張天祿畧地，且至，戰失利。先生與歙縣諸生江天已同被執，見洪承疇，不屈遇害。僧某殯之，題曰赤壁金公柩。扶至蕪湖，閩商某薄其棺，改殯焉。

徐冢宰震求原名文治，本禾郡諸生。萬歷庚子，年場屋赴南武闈，舉第一，被攻走江楚。殆二十年，青浦令其受業生也。遂補青浦諸生，舉於鄉。天啟壬戌，成進士，歷官介潔，屢起屢忤。乙酉閏六月二十六日，本朝兵下嘉興。

先一夕，公入城，聞敗，自經于故第精嚴寺僧真室。殯以米圍，袖有詩扇，蒼頭祖敏洵其旁。先生有別墅在賀家

橋南，其孫顯武與予善。時時過話前事，所著名可經堂。

集

錢唐大遮山東明寺相傳建文帝曾避跡於此本朝順  
治丙戌某月某日有二十二人皆偉幹傑貌免胄而入  
命守僧以米三斗作飯豆一斗作乳倉卒具食僧異之  
問飽未曰未也亦不敢飽飯後徧視佛像不拜見建文  
像則拜而下泣一人在前餘隨後不敢並已而求浴裹  
衣朱敷膚如刺漆人臂二弓腰二銃試鳥雀不一失鎧  
伏重鉄度所負荷皆百餘斤其一人泣拜者挽鞭重數  
十斤合二僧之力僅能舉而被運之如棕拂竹如意問  
邑里姓氏不荅問其聲知為北人也問今何所往則泪  
隱々承睫曰吾糗盡遊觀天下無可起事者吾安之乎  
曰三吳足賦可就也曰取三吳未能集事僧曰以諸公  
之敢力赴義何患無成默不應諷之若空亦不應僧曰  
即出值官兵奈何曰吾仗劍行數千里先後所值何啻百  
十彼烏能難我僧曰自此至天目民寨殆百餘所稱義  
師能徃觀乎曰曾按視一二所皆盜耳不足目也因問  
道僧述天目徑山湖州之程曰吾之湖州曰湖州多守  
兵曰固欲遇守兵遂曹而出每一人曹兩人力救之目  
欲進火尋聞其遇守兵殺五百餘人而二十二人無恙  
愴然嘆曰吾多殺亦何益且吾所以來豈為此輩哉皆  
投碧浪湖死

外舅陸辛齋先生述寺僧指月之語

洪武三年庚戌五月始詔行科舉直隸貢百人河南山

東山西陝西北平浙江福建江西湖廣各五十人廣東  
廣西各二十五人時直隸就試者百三十二人拔七十  
二人見考官宋濂溪鄉闈紀錄序試錄曰小錄按登科  
考無錫俞憲所輯中載在京鄉試直隸府州一百名河  
南山東山西陝西北平浙江福建江西湖廣各四  
十名廣西二十五名與濂溪集微有不同又按登科考  
洪武三年庚戌鄉試四年辛亥會試以後至十七年甲  
子始復行鄉試而金華府志有庚戌辛亥壬子癸丑連  
歲開科之語紹興府志云六年金鑄榜不知其何  
所出

雲南開科始永樂九年辛卯時貴州尚未附宣德四年

雲南貴州始合試共取十一人後漸增至嘉靖十四年  
分定雲南舉四十人貴州舉二十五人

府歲貢二人縣歲貢一人洪武二十五年定嘉靖十年  
令天下歲貢五人選共一歲貢通學考選至十五年止  
天啟元年鄉試乙榜廩生准貢崇禎元年戊辰以登極  
始有恩貢乙亥通考各學廩生拔貢一人己卯鄉試乙  
榜俱充貢不論增附

永樂二年已選庶吉士矣而戶部辦事進士當塗李衡以  
年少自請命改庶吉士同江寧楊寧習書至宣德八年  
三月已選庶吉士十一月又選前科進士能文者徐瑄  
等十三人為庶吉士命學士王直教習此教習之始也

舊制貢士三科不第禁赴會試弘治三年始弛此禁  
弘治壬戌科選庶吉士并修撰康海編脩孫清李廷相  
俱課書學士梁儲王革教習先是天順四年選庶吉士  
劉健等十五人并脩撰王一夔編脩李永通鄭環命學  
士劉定之侍讀錢溥教習此外鼎甲率不在館課之列  
萬歷壬辰後選館概課而鼎甲不出序今與庶常一例  
論先後矣

正德甲子四川解元周洪謨丁卯福建解元陳俊第一  
場俱五義

嘉靖初會場禮部條約許舉子帶洪武正韻一部表末  
不用瞻天仰聖見董穀碧里雜存

科場舊規正主考閱易書二經副主考閱詩禮春秋三  
經各不相涉見詞林典故

李九我舉鄉試第一申少師瑤泉即留為館賓轉館于  
歸安董宗伯家癸未李得會元申正當國廷試時文定  
以子用懋入試避讀卷是科秀水朱文恪公一甲第一  
季名在第二賜第後九我見秀水頗快快一日秀水疾  
李過候坐榻傍推憲見庭松蟠屈咲曰弟嘗夢歷此景  
或云功名在是今得之矣名次兄後非豫兆耶自後歡  
洽無間

殿試策進呈必取書法整齊無舛譌者隆慶戊辰科閣  
臣擬進上疑首卷有私於二甲卷首得羅萬化寘第一



其卷字多塗抹者

各省鄉試專遣京官始于萬歷乙酉舊主副俱教職由  
監察御史所聘布政司提調按察使監臨彌封謄錄受  
卷皆有司例得闈墨卷有所識拔內簾無敢違者自專  
差朝臣內外簾始隔絕

典試差部主事始于萬歷甲午禮部推湖廣主試翰林  
院某吏科左給事葉繼美上點葉另用工部主事莊懋  
華

韓求仲先生師事湯宣城萬歷庚戌湯分考搜隣房拔  
韓卷會元時方忌湯遂并攻韓竟免官終身不達

鄉榜監試例巡按御史或偶缺則代以巡鹽萬歷乙卯  
貴州巡撫張寯鳴代匱監試此巡撫監場之始也

萬歷丙辰會元吳江沈同和文倩第六名趙鳴陽作事  
發二人俱褫革京師以骰子戲謂斷公絕六

天啟壬戌會試閣拒何宗彥願秉謙主禮闈上點宗彥  
忽及朱養純願疑秀水有他故頗不懌後秀水捐館願  
擬謚文懿朱公子力爭得謚文恪

廷試策偶悞筆以塗注不便例多任之萬歷己未科狀  
元莊際昌醜悞膠崇禎辛未狀元陳于泰陽悞易榜眼

吳偉業曠悞曠

殿試進呈惟會元策另封此明朝舊例也今不然

明朝宗室進士天啟崇禎兩朝共十一人釋褐後例補

輔國口尉惟戊辰科新建朱統鈔選庶吉士改中舍書人復入館歷國子祭酒

萬歷丙辰進士同姓名者張銓一大名人一沁水人俱乙亥正月二十六日生科第子女皆同

莆田科甲最盛宋時進士九百七十餘人諸科特奏名六百四十餘人大魁五人宰輔六人明朝自洪武庚戌至嘉靖戊子訖五十二科中鄉舉一千一百十一人進士三百二十四人狀元二人探花四人會元一人解元二十五人

鄉報急足始嘉靖中其時舉子尚自備青袍後官給不知所自

選歷科程墨自萬歷庚辰錢唐人錢穀字豐寰始錢貢生官終曲靖知府

會試同門房刺始萬歷壬辰

明朝故事御批一甲三人卷用玉管筆拆卷在中極殿左

兩京鄉試及會試錄序皆稱臣外省則否以考官所自序也萬歷初上摘此以問閣臣欲罪之江陵具言其故乃止其後各省錄序皆稱臣

兗州滋陽縣儒學祀宗聖顏子之神與天下不同見陋  
卷志

土木之難李襄敏秉從征脫婦進戶部主事夜夢作詩

送楊鴻臚善迎駕其詩云天恩寵渥作益梅迎復君王  
出紫臺群鹵潛踪歸朔漠六龍回駕入蓬萊明日以語  
同官明年事驗

御史出巡舊騎馬後乘輿不知起于何時當是成化以  
後事浙江有舉子王化大帽見按臺某按呵之問所從  
起對曰即起于大人乘輜之年

吳縣朱良育績學不第膺歲貢子鴻漸成進士官主事  
貶封不受竟以明經沒

鄞縣余相國文敏有父永麟幼喪父育于小江里余氏  
後鄉舉歷蘇州通判生文敏既貴當贈三代不知所自  
出不得已贈永麟所後父慚及慚父鏜而命子孫家祭

則自蘇州公始。文敏少從其父宦蘇州慕崑山婦有  
光名將師之不果嘉靖乙丑父敏以編脩分闈拔有光

## 第二

戚少保繼先鎮薊門駐三屯營最久經畫周詳歿後有  
祠總兵尤繼先到任不拜祠除外公庫災獨題梁及銀  
牌存題梁年月少保所記繼先嘆曰戚公神人也刑牲  
以祭

上海唐抑所文獻先生謚文恪易名之典仍犯其名何  
也宜如陳莊靖文之例易之

嘉善錢龍門初入翰林崇仁吳相國文定道南語之曰  
若初到衙門須記三事不擬試題不受門生不出遊廡

保名節

嘉善丁清惠公與烏程朱平涵國禎相國善謂其居台鼎猶秀才氣象

明初朝鮮國王獻顏子以偽書却之按古今偽書不一而足如毛漸偽三墳張杲偽元命苞孫定偽關尹子阮逸偽元經宋咸偽孔叢子戴師愈偽麻衣子袁康偽吳越春秋明崑山王逢年偽天祿閣外史海鹽姚士彝偽於陵子皆不滿識者一噓也

萬曆六年河南李蔭宰宛平構小齋發礎得唐李邕雲麾將軍碑云碑石蕪沒良鄉驛舍裂為柱礎蔭輦致邑署名其齋為古墨可辨者百八十九字首篆存唐故雲

三字

宋學士潛溪前後集元季已盛行于世入明朝劉伯溫選定為文粹十卷門人方孝孺鄭濟等又選續文粹十卷皆孝孺與同門劉綱林靜樓璉手自繕寫刊于義門書塾常熟錢宗伯牧齋曾于內閣見之孝孺姓名皆用墨塗乙蓋遵革除舊禁也

鄭所南心史崇禎戊寅十一月八日蘓州承天寺浚晉井得鉄函重積外標大宋鉄函經內書大宋孤臣鄭思肖百拜封自元世祖祭未歷三百五十六年其書始見于世其精氣自不可磨沒也朱竹垞云此是偽托不知何據

李空同刻淵明集盡去評註曰青黃者木災也太羹之味豈群口所饜哉

江都葛澗子常好積書撰國朝人物編自洪武迄嘉靖數百卷人為列傳甚悉年七十餘卒友人私謚為正學先生今其書不可得見

王元美所著讀書後四本捐館後公子吏部士驥于貨郎擔中重得刻以行世又有毀論十本係先生手書無副本牧齋宗伯乞于吏部秘不示人辛卯九月燔于絳雲樓一炬惜哉

新建張洪陽位司業刊二十一史子北雍糜工部六萬金有奇見李湘洲集


濮州李尚寶先芳選明朝燕趙秦晉齊魯河洛淮揚藩邸之詩附以蜀曰明雋吳越荆楚不與焉東阿于文定序曰自二南以下十五國風皆江以北地也降而春秋吳越之歌吟乃出降而戰國荆楚之騷賦始傳故江以南之聲則歌吟騷賦之流而風之餘也非始音也原音之始以北先也○按李尚寶與王元美同時人

南克陳文憲于陞當國時修正史列聖本紀皇后本紀建文景泰以寔錄附載而不作紀郊祀廟祀典禮樂律天文歷法宗藩學校選舉職官經籍賦役貨幣漕運河渠鹽法軍政兵制馬政刑法郡國九邊二十二志楊徐滁陽三王高祖之十七藩成祖之二藩仁宗英宗各四

藩憲宗之三藩外戚洪武之功臣諸臣建文諸臣永樂  
之功臣諸臣洪宣諸臣正統天順景泰諸臣成化諸臣  
弘治諸臣正德諸臣嘉靖諸臣隆慶諸臣又理學文苑  
循吏高逸孝節亂逆權幸方技四夷列傳二十六紀志  
粗畢擬草列傳丁酉六月三殿災輟業南充卒四明沈  
相國殊不以為意非其始議也書竟不成

西泠社事起萬歷丙戌八月時歙縣汪伯玉鄞縣屠長卿  
葦集西湖之淨慈寺地主則仁和卓明卿餘杭徐桂  
杭州布衣陳植之業醫若吟好學其五言佳句如疎鐘  
鐘四壁靜微雨一燈明移花春徑雨看竹午窓風絕似  
中唐風格恪惜全章散佚不傳周青士所紀尚多偶錄此

洪武開國事略本湖廣行都司經歷蔡于壁之龍飛紀  
略卓氏藻林本吳興王氏所輯嘉隆以來諸公掠美者  
頗多



藏書之厄如浦江鄭氏八萬卷燬于火義烏虞守愚侍  
郎德燭叅政父子築樓藏書萬卷署曰樓不延客書不  
借人後蘭溪胡孝廉應麟賤直得之隨亦散佚太倉王  
弇州書最富再傳而先開封中尉睦樺之萬卷堂會稽  
鈕氏之萬卷樓吾鄉祝侍郎耳劉之萬古樓武原駱侍  
御駸曾平湖馮考廉茂遠常熟錢宗伯牧齋非流散則  
灰燼矣楊循吉既老散書與親故云令蕩子爨婦無復  
着手亦一道也

錢牧齋撰明史共二百五十卷辛卯九月晦甫畢越後日絳雲樓火作見朱衣人無數出入烟焰中隻字不存黃石齋先生著孝經集傳又奉命纂供範明義四卷成寅謫官即進呈云臣考篇中有錯簡者三訛字者三錯簡如五紀三德敷言錯而在後威福建極敷言錯而在前訛字如晨為農戈為忒極為極之類皆伏晁之所不稽鄭孔之所未說宗元諸儒稍發其端明興諸儒未竟厥緒云々

崇禎癸未楚撫宋一崔敗沒妾金陵陳氏色藝兩絕為門客王屋所聘貴陽謝叅政上選先娶致訟新安程奎戲作絕句歌舞叢中度歲華一朝忽散抱琵琶前身定是烏衣燕不在王家即謝家

長泰盧岐嶷嘉靖甲辰進士終貴州按察使初為戶部郎與汪道昆同舍時有餽汪脂香油皂者汪徵故寔盧曰唐人謝賜口脂豆澡此二物也宴席有獅糖汪復問于古云何盧曰漢光武禁視糖不許高大此是已李空同作文凡地名官銜俱因時制不用古名

江陰李戒菴滂筆載先世分關中寫吳原年洪武原年俱不用元字想國初惡勝國之號故民間相習如此按元字避御諱元章戒菴悞矣

陳友諒後裔為沔陽柯氏馬氏與部曲談王吳三家遁居興國大治瑞昌界中張士誠後裔為章邱李氏初敗



時乳母携幼子而逃冒李姓

鉄券分三等。国公式二。其一高一尺。博尺有六寸。次高九寸五分。博尺有六寸。戾式三。其一高九寸。博尺有五寸。次高八寸。博同上。又次高八寸。博尺有四寸五分。伯式二。其一高七寸五分。博尺有三寸五分。次高六寸五分。博尺有二寸五分。

明制。文臣官銜支俸。勳戚官銜不支俸。

外国詔勅事竣。使臣上其筒。禮部轉繳內府。不得損壞。御史聽選聽察。首浙江道。內計掌察。則河南道。蓋明初首下浙江。先設官。洪武元年詔開封為北京。示重也。名勝志云。北宋以河南為京畿道。故寰宇記首列河南。

宋以臨安為京畿道。故紀勝要覽首列浙江。明朝蓋兩沿宋制。此說非也。

凡占籍者。自軍匠民隴商外。有儒籍官籍御醫籍先賢籍。正德唐衣。吾宗嘗熟派穹隆公。應兆。以御醫籍登第。崇禎丁丑進士。四川某齒錄書儒籍。以祖父三世皆教職也。

洪武十四年二月。建太學。自孔子以下皆撤像。設神位。外學仍如舊。至嘉靖九年。天下學宮始撤像。易主。

征南將軍印。沐氏鎮雲南。世佩之。其印不全。用童事大。

小。或用一角。或半角。蠻人奉如尺一。

南京洪武朝。陽太平三門禁出柩。魏国公家塋鍾山許。

太平門倒出。

從未棺柩止有出城者故旅視還鄉率傳于墓田康熙  
乙丑崇明相國宋文恪亮於京師奉旨馳駟差官送  
歸公子扶柩入蘇州府城里第治喪此變例也

宋景濂先生以洪武十四年辛酉卒于貶所葬夔州蓮  
花峯下越三十三年永樂癸巳十二月二十七日蜀獻  
王遜葬于成都之華陽安養鄉又七十二年成化乙巳  
十二月十三日蜀惠王改葬錦城迎暉門外

明初文臣多不得封贈父母及妻始於永樂十年然  
其時亦僅八人西揚勒石以垂後

京省設提學憲臣始正統元年五月命于二月八月兼  
督民間裁種桑棗先是守令提調諸生孟月試經義仲  
月論表季月策皆在學舍今之觀風季試其遺制也

明朝大宗伯不從翰林出身者凡三人錢唐揚寧正統已巳

遂寧席書嘉靖甲申嘉定徐學謨萬曆庚辰雖起署曹然皆進士

出身向例禮部堂屬未有用孝廉者康熙壬辰吾邑陳  
實齋說由司空調宗伯一時以為盛事陳壬子乙榜也

景皇帝園不稱陵在金山上距西山不十里陵前坎陷  
樹多白楊及椿合三四人抱高可二十丈

建文帝葬處距景帝園不遠石碑題曰天下大法師之  
墓按楊士聰玉堂薈記云駙馬都尉聿永固請追謚稱皇帝  
上語輔臣曰建文無墓何憑追復尊號惜當時無據此以對者

景泰以前漕船無定數天順後定船一萬一千七百七

十五隻官軍十二萬一千五百餘員名至崇禎中額舡一萬二千一百四十三隻米四百萬石每舟正米三百三十石每百石加耗九石八斗又月糧四十金行糧十六金。浙江舊額二千四十六隻糧四十萬石。江南舊額各衛共四千四百五十九隻俱清江浦提舉司所造南京貢舡共百六十六隻龍衣舡不與焉又兵部馬快舡六百隻俱供進貢。

明朝民運白糧惟蘇州松江常州嘉興湖州五府有之共舡五百六十七隻。

成化間松江人以布餉貴近流聞禁廷下司府織造赭黃大紅真紫等色龍鳳斗牛麒麟等紋工作胥吏因緣為奸一匹有費白金百兩者孝宗在東宮深知其弊即位首罷之嘗閱內帑見之曰此布一疋文綺十匹價也終身不一御自是遂絕。

松江細布歲輸京十二萬三千八百六十匹華亭亦萬五千一百匹有奇上海四萬二千七百二十四匹有奇青浦二萬三千四十匹有奇萬曆初加八千匹。

弘治十一年大學士謝遷言臣祖榮任福建布政司都事例不得封乞以已得誥命移贈上並予之天啟初太子太保吏部尚書張問遠言臣父某任四川眉州判官坐劾奪職臣全濰縣復冠帶不得封今乞恩命許之閣臣賜蟒服始弘治十五年十二月己巳。

北京宮殿遇災凡九永樂辛丑四月庚子三殿災壬寅  
閏十二月戊寅乾清宮災弘治戊午十月甲戌坤寧宮  
災正德甲戌正月庚辰乾清宮災嘉靖辛丑四月辛酉  
九廟災丁巳四月丙申三殿及文武樓奉天左順右順  
午門災辛酉十一月辛亥萬壽宮災萬曆丙申三月乙  
亥乾清坤寧宮災丁酉六月戊寅三殿災

嘉靖時祖宗御容藏永孝景神二殿

嘉靖癸丑暹羅國貢白象道斃使者以珠寶飾牙置金  
盤中并獻象尾

秀水朱文恪公萬曆癸未進士第一臚傳日文恪父太

醫院使東山公緋服侍班乙未以脩撰朱國祚為司

經局洗馬故事鼎元無任洗馬者八月克皇太子侍班

尋清理貼黃靖難功臣舊署奉天征討文恪曰文皇不  
得已值此奈何以同姓加征討名悉改靖難

每年十一月朔傳戴煖耳百官傳衣不謝傳煖耳獨謝

韓城薛相國國觀不良死坐贓五萬藉其家財六百萬

所居廳事三開共室四進並世產也惟好使氣故鄉人  
不附朱右君述霍魯齋語

燈市舊在內城東華門外今移正陽門外靈祐宮傍至  
期結蓆舍懸燈高下聽遊人晝觀蓋京師坊巷元夕不  
放燈也

大內牡丹盛開神廟思以磁瓶貯之偶江陰民有一均

州瓶高數尺許欲得十金或笑之忽內官覓進上喜問  
價幾何奏曰二百金上諭先給百金如未肯再給五十  
金

神宗侍皇太后最恭萬曆丙戌梓宮殯殿產蓮花九  
枝故後稱九蓮菩薩閣臣申時行許國王錫爵皆有瑞  
蓮賦

明初武職多拔于勲胄後乃開保舉將材之例徃徃徇  
名而不責實華容劉忠宣為大司空始議行武舉疏請  
倣唐宋故事每遇文舉鄉試之年亦將武舉預期行移  
各省試可取者送兵部會革數目請于次年四月開科  
初較騎射以發十矢中三矢以上者為合式次較步射  
發九矢中三矢以上者為合式三試策二道論一篇優  
者列職推授若非全材則斥而不用

元張中丞養浩歸田類藁有登爛忠閣詩自注云北三  
十里為大內虞文靖集作楊襄敏碑云至元某年始大  
城京師于大興故城之北中為天子之宮廟社朝市各  
以其位而貴戚功臣悉受分地以為第宅然則元之大  
內在今地壇之右矣當時穡李頤淵白猷燕都賦寧海  
李洧孫有大都賦惜皆佚不傳也

興隆寺有八景和正間都下諸公賦詩成卷馬東田和  
之復為跋尾今詢之寺僧罕有知者

北方山藥產于采育者為天下最嘗于朱竹垞檢討席

間食之真瓊糜也

大房山僧多植牡丹其色有天紅淺綠二種絕奇  
宣德紙有貢箋有綿料邊有宣德五年造素馨紙印又  
有白箋洒金箋五色粉箋金花五色箋五色大簾紙磁  
青紙以陳清款為第一

元方輿勝覽大興府載佛寺三十八區中有海雲寺元  
時有千葉杏二株名芙蓉杏傳巖起在京師築清晏堂  
以此花置瓶中錢唐張叔夏見之稱其奇麗可觀江南  
所無巖起索叔夏賦之為填三姝媚詞海雲寺今失其  
處故老蔑有知之者

出阜城門西行三里許有報恩寺又西三里靈佑觀又  
西為廣福寺又西為嘉祥觀又西為元應觀入八里莊  
堡為摩訶菴又西為永慶寺又西為慈壽寺又西為元  
福宮嘉祥觀多松入門二株尤秀潤摩訶前殿有碑二  
碑文左為鉛山費尚書案撰右為華亭孫尚書承恩撰  
俱嘉靖二十七年立殿後右廂有竹一叢院中雜蔣草  
花堂懸萬物育三字墨跡上用恭穆獻皇帝睿筆墾下  
有嘉靖年製小印堂後松二株高出殿脊其後則中官  
趙政墓也元福宮建于正德五年至天啟五年重脩中  
有蒼松四最奇古後殿三清六真像皆范銅為之配殿  
文昌與夾侍童子亦銅僮旁鑄一騾銅質光潤絕似宣  
德鍍金燠爐色殿前後凡四碑一仆二為人磨去止存

中書舍人袁志學一碑崇禎元年所立也。

興勝寺去摩訶菴二里許。土人目為松林。今松無復存者。萬歷中所建。後有藏經閣。可眺西山。東北有果園。園中有亭曰衆芳亭。北砌石為流觴曲水。其東有閣曰明遠。春月桃李雜發。登閣望之。不異錦城花海也。

阮大鍼降時。本朝兵方下浙東。儼然以福建巡撫為掌握中物。隨征南行。至仙霞關。暴死。其僕下嶺求棺。不得。時天氣炎熱。三日後乃得門扉一扇。募土人舁下山。則尸骸悉潰爛。虫出矣。草草薄殮。不知埋骨何地。無子絕祀。

馬士英自南都逃至紹興。入方国安營。既而阮大鍼亦至。本朝兵渡江。士英國安走台州。大鍼迎降。錄用降官。

奉有阮大鍼投誠獨早之旨。以軍前內院隨征。急招士英。及方逢年。方國安等出降。時唐王改元于延平。士英心懷首鼠。密表通軍中消息。及本朝兵下仙霞關。唐王倉皇出奔。書損委棄道路。貝勒于亂籍中得士英表。大怒。以洩漏軍機。與二方同日處斬。懸其頭于黯淡灘。而去。時錢西頑先生在福建。親見之。

南渡立國。有三疑案。甲申十二月。有僧大悲。蹤跡頗異。至石城門。為邏者所執。詔府部科道法司會審。據供稱。先帝時封齊王。以崇禎十五年渡江。其語似顛似狂。詞連申紹芳。錢謙益等。于是阮大鍼楊維垣等。令張孫振窮治之。欲借此以羅織清流。遂造為十八羅漢。五十三

蔡之名如徐石麒麟徐河陳子龍祁彪佳等東林復社計一網盡之孫振審詞云大悲本是神棍故作瘋顛主使寔繁有徒陰提線索語多挑激王怒而王意不欲深究御史高允茲上疏解之申錢各具疏辨馬士英遂不窮其事以和光元年三月棄大悲于市時又有童妃及北來太子二案真偽莫辨上初封德昌郡王娶黃氏早薨繼李氏再繼童氏封王妃生子不育洛陽陷逃民間與王相失太妃及童氏各依人自活太妃之南也巡按御史陳潛夫奏妃故在上不問至是自詣巡撫越其杰所具陳本末廣昌伯劉良佐以儀衛送至都王大愠下鎮撫拷問妃在獄細書入宮月日及相離情事云以某

月日城陷爭出宮妾具饌奉帕暴王頭踰牆而逃求馮可宗為之轉達王棄去勿視命屈尚忠加酷刑妃號呼詛罵尋度死獄中或云在獄未死南京陷不知所之言童氏周府宮人逃亂至尉氏遇王旅卽相依生一子已六歲王南奔各不相顧氏遂委身民間馬士英勸王迎入宮不聽劉良佐奏童氏寔非假冒懇賜曲全王諭童氏妖婦冒朕結髮宮闈風化所關豈容闖入法司卽示情節以息群疑覽王諭但斥其冒結髮則為繼妃無疑士英據外訛傳謂逆旅生子業已六歲勸王逆致此語大妄不思洛陽之陷在崇禎十四年辛巳正月距甲申絕四年耳安得有六歲子哉宜王之不聽也至于大



悲事跡始終不明既入獄受當事意旨不得不托瘋顛意其招辭必有駭聽之語故急誅之以安反側身不然阮大鍼方欲快心于東林豈紹芳謙益一辨疏可免士英何所畏忌勸令中止王意復何所顧惜不欲深究其中顛末朝臣固不能知也初福世子歿德昌郡王以序當立士英撫鳳陽時有以居民藏王印首者取視則福王印也詢其人云有負博進者持以質錢士英因物色之王與士英初不相識但據王印所在則以為真世子甲申國變後南都方議所立士英遽從外擁戴福王以為已功大悲者或云齊庶宗士英之不肯窮治或正知德昌之當為福世子猶未能寔信王之果為德昌也

王之不欲深究亦有自知之明耶童妃但知德昌即位故詣闕求見而不知今日之德昌非昔日之德昌也大悲但知福王世子應屬德昌而不知王之業已為德昌也童氏既下獄自言失身之婦無敢復生非望但求一覩天顏歸死掖廷夫童氏陳情愈切則天顏愈遠何不求見太妃召入永巷面訊之也童氏既不容見則大悲之死固其所矣。烈皇帝殉國後或傳太子匿太監曹化淳家為嘉定侯周某出首或云被脅東出薨于三河所傳不一福王稱制有少年至留都自稱故太子也時馬士英未敢決以為偽但設三疑端以迎合上意而首斥其偽者王鐸也鐸不過效雋不疑以自附通經足

用者耳。至于方拱乾辨誌面質其偽，反滋人疑。拱乾是時方從北來，掛名從賊之案，待命吳門。一旦召之入都，還其原官，許其湔雪。有不奉馬阮之意者乎？拱乾舊為太子講官，考東宮出閣去乙酉，無幾時，豈有少年于衆中望見拱乾，即指彼髯者呼為方先生，而東宮面貌拱乾，反不識耶？果其偽也，一見立辨，即宜叱下。如雋不疑，叱收偽衛太子事，豈不直捷，乃漫不置一語，願以講讀時瑣事為問，蓋當時講官止拱乾一人，在列旁無一人為之証佐。即少年所答盡是拱乾，盡以為非，誰從質耶？及再審時，置禁城圖于前，指宮殿名目及帝后所御居，無一差謬。士英初令大璫盧九德及舊東宮內臣于城外僻處，以先帝并永定二王庚甲及宮庭制度詰之，無不熟悉。于是鞠問計窮，楊維垣乃颺言于朝曰：駙馬都尉王昺姪孫王之明，貌類太子，固悉宮中事。士英以其言入奏，從此遂稱為王之明。維垣以逆案廢錮十七年，宮闈親密，何由知悉？而此說獨出于其口。聞維垣颺言時，亦祇係揣度之詞。後遂據為定案。時江督袁繼咸、楚撫何騰蛟皆有疏力爭。王雖曉諭再三人不見信也。本朝兵下南都，豫王命少年坐聖安上，攜以北去。不知存亡。桐城錢飲光先生熟于南渡後事，余嘗詢之。先生云：大悲本末不可知，而決為中州之郡王也。童妃出身不可考，而決為德昌之故妃也。少年之為東宮

不可信而信其決非王之明也先生有傳疑詩三首載  
田間集中

廷杖之制最損國體然成化間言官受杖者許用綿底  
衣蓋其下體故杖而不傷其膚第撻之于朝而已不欲  
死之也自正德時劉瑾用事始去衣自後受杖者多不  
免矣弘治以前詔獄之旨惟叛逆妖言強盜則云好生  
打着問喇虎殺人則云打着問其餘常犯送鎮撫司問  
鎮撫奏送法司議罪中間情罪重者始有來說之旨部  
寺覆奏始有降調之旨至嘉靖中一槩打問無復低昂  
林貞肅公俊致仕後曾建白此事世廟下其章所司竟  
不行當時首被其禍者先京兆也

劉文靖健以程篁墩敏政短其不能詩銜之釀成廷鞠  
之獄李文達賢之噉萊文莊盛也亦以疵其詩文之故  
二公賢相也其器量狹小乃爾

顧東江楹帖云才美如周公旦者不得半點驕事親若  
曾子輿纔成得一箇可

宋朝舊制殿試皆有點落臨時取旨或三人取一或二  
人取一或三人取二故有累經省試取中屢見擯于殿  
試者張元遂以積忿降元昊為中國大患于是群臣建  
議歸罪于殿試斥落嘉祐二年三月辛巳詔進士與殿  
試者皆不黜落迄今永為定例

相傳明制自翰林出身始謚為文細考之亦不盡然曾

榮襄、廢、馬襄、敏、愉、俱廷試第一、入內翰而不謚文、魏文  
靖、驥、吳文恪、訥、葉文莊、威、鄒文敏、濟、儲文懿、璣、邵文莊  
寶、楊文恪、廉、姚文敏、夔、王文莊、鴻儒、何文肅、喬新、非翰  
林而皆得謚文、疑此例當定于隆萬以後  
明初文臣無謚、劉文成、基、宋文憲、濂、宋文恪、訥、朱文恪  
善、咸請之、康陵、王忠文、禕、請之、裕陵、姚廣孝之謚、恭、靖  
胡廣之謚、文、穆、則自永樂年始  
李林甫之奸、竟得善終、乃于身後屢被天譴、元和中、惠  
州一娼震死、朱書其脇曰、李林甫、宋紹興中、漢陽蔡氏  
女被雷震死、亦有文曰、唐相李林甫、明洪武間、吳山陸  
允誠、家烹鷄、而鷄背有李林甫三字、宛然、蓋已墮畜生

道矣、續問奇類林

粵西七星巖洞壁上、舊刻元祐黨籍姓名、明弘正間、聞  
有欲琢去者、時巡按某公、謂不若留示千古、至今尚存  
康熙二十年、御書清慎勤三字、徧賜中外衙門、按呂  
舍人官箴、當官之法有三、曰清、曰慎、曰勤、其言出王隱  
晉書、又李康答馬文正之問、有曰、為官長當慎、當清、當  
勤、脩此三者、何患不治云

正德間、朝議欲起三原王端毅公、恕、汝南強景明、寄詩  
云、八十耆年二品官、歸來清節雪霜寒、雖然海內歸心  
在、可奈君前下拜難、鷗鷺恐疑威風起、風雲長護老龍  
蟠、三公事業三槐傳、留取完名久遠看、公得詩、竟不起

。又李文正東陽當國日久有士人投詩云才名直與  
斗山齊伴食中書日已西回首湘江春草綠鷓鴣啼罷  
子規啼公得詩一咲而已

弘治朝張少恭子醇繼孟嘗言作人須要有趣對俗人  
啗馬一語遇學士大人有道術者與之談說名理揚摧  
風雅媿不倦令人洒然不能遽別一時前輩如西涯  
相國蒲汀尚書皆海內重望每聯輿過訪張或留坐所  
共脫粟之飯間出蔬果杯酒三五巡即止諸老自公第  
出輒相謂曰吾儕遇張子醇一飯勝倍別家盛筵矣  
正德中韓尚書文欲攻劉瑾厲李夢陽具奏草謂之曰  
毋文文覽勿省也毋多多覽弗竟也此言極中入告之

歎

建文二年廷試擢王良狀元嫌其貌寢抑置第二而以  
胡廣易之及靖難師至金廣與翰林周公是脩先期  
約同死周既自經胡負約與金幼孜解縉等迎降良後  
竟死節若廣所謂有媿科名者也

明末華亭有嫠婦棄其孤兒再嫁富室又生一子及其  
死也前夫之子爭葬之質之縣令縣令判其尾曰生前  
再醮已無恋子之心死後歸墳難見先夫之面

先京兆公在諫垣以糾分宜謫官分宜敗後起官歷文選正即在吏  
部凡三掌大計嘗貽書與廬州公曰吾掌選九年未嘗  
脩怨報復一人為汝等也親筆書余不及見先君子嘗

為小子言之

鄭端簡公晚官文選時里中仕宦有餽金首飾者承以  
篚而覆若其上公直以為若也受之其夫人手撥若知  
之面頰發赤亟傳祈請公入以語公公不動声色第令  
覆若如初徐出召其人還謂曰吾初以家適乏若故拜  
君惠頃入內詢之家尚有餘若心謝尊意不敢當也遂  
令持歸

董大參朴成進士後差過華容時劉忠宣公大夏宅憂  
在里造謁焉忠宣留之飯之麥楮饌惟糟蝦一器董感  
省終身持雅操

明武宗御祭元輔靳文康貴文朕在東宮先生為傅朕  
登九五先生為輔朕今南巡先生已矣嗚呼哀哉語簡  
而意備按裴晉公自為誌銘云裴子為子之道備存于  
家牒為臣之道備存乎國史體裁畧同

洪武舊制內侍不許讀書識字至宣德朝始以翰林官  
教讀內侍監其後司禮遂有秉筆太監一代弊政寔宣  
廟啟之也

今州縣戒石銘爾俸爾祿民膏民脂下民易虐上天難  
欺四語乃宋太宗書以賜郡國立于廳事之南者按成  
都人景渙所著野人閒話其首篇載蜀主孟昶  
為文頌諸邑云朕念赤子盱食宵衣言之令長撫養惠  
綏政存三異道在七絲駟鷄為理留犢為規寬猛得所

風俗可移無令侵削無使瘡痍下民易虐上天難欺賦  
輿是切軍國是資朕之賞罰固不踰時爾俸爾祿民膏  
民脂為民父母莫不仁慈勉爾為戒深體朕思凡二十  
四句

明世宗初恣華亭刻石南雍曰徐階小人永不叙用後  
分宜得罪徐遂大用直至首揆眷注極寵渥刻石之言  
殆忘之矣

弘治五年吾浙鄉榜胡世寧孫燧王守仁三人同舉是  
年場中見三巨人後宸濠之變胡發其奸孫以巡撫死  
難平其亂者文成也二忠臣共成一事豈非前定因記  
宗寶祐年登科錄第一甲一名文天祥字宗瑞小名雲

孫小字從龍年二十第二甲一名謝枋字君直小名

鍾小字君和年三十第二甲二十七名陸秀夫字君寔  
年十九是榜三忠臣死宋事皆少年尤奇

天子為臣下作碑者唐太宗為魏徵高宗為李勣玄宗  
為張說德宗為段秀寔宋太宗為趙普仁宗為李用和  
神宗為韓琦明太祖為徐達太宗為姚廣孝孝宗為張  
奩

六部司屬皆書本部而都察院各道則直書道銜而不  
繫于院初謂各道得自彈事于院不相關白也按歐陽  
公歸田錄云御史臺故事三院御史言事必先白中丞  
殆非唐故事劉子儀為中丞始榜臺中今後御史有言

不必先白中丞考唐時李承嘉為御史大夫、召諸御史責曰：近日御史言事不咨大夫禮乎？蕭至忠荅曰：故事臺中無長官，御史人君耳目，比肩事主，得自彈事，不相關白，若先白大夫而許彈事，如彈大夫不知當白誰也。李無以屈，今之御史條陳事宜，無不承總憲風旨者，失立官初意矣。

左寧南初畏流寇張獻忠之鋒，避居九江，遊擊胡以寧鈎致之，遂往軍，關廂一年，巡道葉士彥以大義諷之，仍返武昌。乙酉，南京立國監軍御史黃澍與馬士英構隙，偽傳邸報藏太子，詔召良玉入清君側，澍從使之，遂挾楚督袁繼咸自武昌東下。三月二十七日至九江，繼咸

標將郝二所統與左營相連。四月初四日，大肆焚掠，良玉氣塞而死。

常熟楊子常家富于財，初無文采，而好交結文士。與太倉顧麟士、婁東二張友善，以此有名。諸生間初與同志數人為應社，其後二張名驟盛，交益廣，乃改名復社。弘獎風流，幾於奔走天下，而與楊顧之交始終不渝。前輩之厚道如此。

楊琳者，四川人，舊以小吏給事張獻忠左右。本朝順治末年，隨孫可望降，初授太倉州判，陞吾郡臨安知縣。嘗與人言獻忠破開封，獲福王，醢其肉，雜鹿肉煮之，以分餉將士，名為福祿羹。



萬歷中無錫葉工部茂才參之權閤蕪湖已事上羨金數千奏曰久旱而得通故有羨金請不為例且進羨非臣志也神宗賜白金松布以旌之後官至南少司空

衛與廠之設皆起永樂中其時事權盡歸閣部間有所監督牧考則付之廠衛後二百年閣與廠衛之勢漸分至天啟而大變閣與衛皆廠之私人衛附廠以尊而閣又附衛以重清流之禍慘烈為前古所無本朝順治

初年議復設廠衛北平張國猷時為垣中上疏極論其弊事乃寢真定梁國公云

安慶設巡撫起于崇禎初年用歸安沈司寇演之議也天啟三年遼東失守吳門申司馬用懋時為南太常上

言請建四輔以鞏神京東南建城于通州高米店之間為左輔西南建城于良鄉蘆溝之間為右輔西北建城于鞏華城功德寺之間為右輔東北建城于密雲順義之間為左輔敵由東北入左輔出兵以扼其衝而右輔從左輔從右各出兵夾擊如假道三衛右輔出兵以扼其後而左輔從左右輔從右各分兵追襲如直薄都城下則京營堅壁合守無輕出擊四輔各設長圍以坐困之疏上不報

王元翰滇之臨安人以萬歷辛丑舉進士時四明當國喜王之出其門而王之心弗與也由庶吉士出為工科給事中抗章劾四明次及紹興晉江以湔除其衣鉢

三公皆相繼引去其黨族御史鄭繼芳發難報復糾王  
巡視廠庫姦賍以鉅萬計王盡出其篋行卑置國門縱  
吏士簡括罄身辭去漂泊東南不得還滇崇禎癸酉七  
月死于南都客舍貧無以為殮寬狀始白

明制翰林典試初無迴避本省之例嘉靖癸卯無錫華  
子潛察以編脩為江南主考是科瞿文懿公以易經中

式後三年丙子典江南試者即瞿也至辛酉江南鄉試  
無錫吳編脩情為主考同邑得雋者共十三人物議沸  
騰為言路所劾于是始定例本省人不得為主考載錢

吉士同文錄批語中

葉赫國始祖係蒙古人姓土默特初滅扈倫國所居張

地之納喇部

一作納

遂據其地因姓納喇後遷于葉赫河

崖建國始祖名星根達爾漢生子席尔克明噶圖席尔

克明噶圖生齊尔噶尼齊尔噶尼生褚孔格褚孔格生

太杵太杵生二子一清家砮一楊家砮兄弟各居一城

哈達國人多婦之凡弟遂皆稱貝勒萬歷十二年申甲

寧遠伯李成梁以賜勅賞賚為名誘清家砮兄弟至開

原繫漢壽亭侯廟中並從兵三百皆殺之清家砮之子

曰寨布為輔臣蘇克薩哈之祖楊家砮二子長名納林

布祿其弟金台石相繼為貝勒即今相國明珠之祖也

與滿州世為婚媾後滿州強盛始為屬國

蒙古土語呼白為察漢頭為托羅海一為干七漢木為

毋東自宣府西至喀爾喀所經之地有白頭二木兩地名

康熙癸酉五月上違豫京師為脩齋禳禱之會初自諸王滿洲大臣行之既而漢中堂九卿下至五城司坊大小臣工富商大賈莫不效尤或三晝夜或七晝夜或九晝夜各于就近寺觀設壇焚青詞以禱皇城內外緇素黃冠奔走道路日不暇給自五月二十三日起至六月終乃止

吏部選郎例從本部歷俸而至故副郎主事率皆後輩康熙三十四年六月德清談永菴以事去特旨選用

五部進士出身者秀水袁靜公由戶部正郎調掌選在衙門為後進未到任前投同司副郎主事帖俱稱晚生亦變局也

副

永樂初北京四門鐘鼓樓等處各蓋鋪房店房召民居住召商居貨總謂之廊房視衝僻分三等納鈔若干貫洪武錢若干文選廊房內住民之有力者一人僉為廊頭計應納錢鈔歛銀收買本色解內府天財庫交納以備宴賞支用今正陽門外廊房衚衕猶仍此名

明朝有宮莊屬慈慶慈寧乾清三宮取歷朝以來各府州縣沒官田地子粒徵銀濟邊而以其餘繫之進宮項下備給賞之用謂之三宮子粒著為令甲刊之上供正額沈榜宛署雜記

東安門外稍北有禮儀房乃選養奶口以候內廷宣召之所一日奶子府隸錦衣衛其制每季精選谷里良家婦年十五以上二十以下四十名養之內曰坐季奶口別選八十名藉于官曰點郊奶口季終則更之每遇不時宣取則就中選一人易高髻新衣如宮粧以進產男用乳女者產女用乳男者後來夙戒奶口類不稱肯臨時多別選城市婦人以應有雇值之費打點之費上納之費而奶子遂為一奇貨矣幸一見留則終其身事所乳得沾息澤無復出理其食報特降云宛署雜記

明朝籍田之禮先期一月順天府行宛平大興兩縣選集老人年高有行者數十人于本府候氣堂後隨班習

儀預備牛犁耩種及耕鋤器具良民二百餘人于地壇內搭蓋耕棚方廣五十餘步土取羅細數次覆黃土其上至期教坊司粧扮優人為風雲雷雨地土等神小伶為村莊男婦播鼗鼓唱太平歌兩縣民執農具各列籍田左右駕至左手執鞭右手執金龍犁稍前導駕二員牽牛老人二扶犁老人二執箕桶老人二夾駕左右名幫耜臣凡往迴者三駕升望耕臺御座公卿以次親耕耕畢順天府治中通判推官各携耩種箱一編散地上老人牽牛覆土為耕種狀小伶百餘衣田家男女服奉五穀以進駕回齋堂受賀畢宴三品以上官賜耆耆及農民各饌頭二個肉二斤隨駕官民各執農具從至于

門復賞老人各布二疋農夫各布一疋 宛署雜記

棋炒。嘉靖三十年戶部行宛大二縣領太倉銀三千散給各燒餅鋪戶每銀一兩上棋炒一石其法用白麩少和香油芝麻為薄餅斷為棋子塊樣炒熟工部送至行軍處所支用 宛署雜記

明朝有女轎夫林鳳姜王氏等一百九十三戶查原籍福建閩侯懷三縣人于洪武中撥送南京應當女戶永樂間隨駕北都專供大駕婚禮選妃及親王各公主婚配應用給與優免下帖令其男子在外供給免其雜差天順間各戶消乏告扯五城及宛平縣會同僉補嘉靖三十一年止存八戶又題僉楚相妻王氏一百餘名補

足末年楚相等陸續改撥錦衣校尉萬歷中復行僉補不許賣緣改撥 宛署雜記

蓼戶。明制宛平縣額辦酒醋局杏仁十一石五斗包麩紙三萬張蓼芽二萬斤杏仁紙招商市買原有額價惟蓼牙係土產之物而法又必取鮮者以是向來不議價止于舖行銀內定腳價七兩責令近城居民數家依時采進謂之蓼戶城近園丁計畦領錢彼此相幫一家出名百家共貼其後歲令舊蓼戶報添二十石一經報名各不相貼小民甚以為苦萬歷十九年內按院劉某訪知前弊行縣每草一斤議價二厘五毛召商辦進以前蓼戶并雜費名色盡行革除著為定額民因一甦

皇城內墻外白內紅舖明朝隸五府勳臣掌管巡邏凡有倒臥及縊溺尸骸請題隨駕錦衣衛官一員行撻宛大二縣官相驗具印結奏請定奪謂之駕相稍涉疑似必送法司蓋以防內臣壅蔽故以耳目寄守土官也至正德末劉瑾用事權歸內衛兩縣惟持空印結臨事填之是否虛寔法司卒不與聞非若外郡縣三覆檢平之廷尉亭讞疑法豈外檢俱可疑而駕相可不疑耶豈在外者多斃于人而在內者但自斃耶于立法初意不能無悖矣宛署雜記

明朝大臣賜第京師者胡忠安在麻繩街李文正在灰廠小巷李閣老衙衙張文忠在五顯廟前張閣老衙衙李文達在東邊王府街

景泰初開講筵每講畢命中官布金錢于地令講官拾之以為恩典時高穀年六十餘俯拾木便無所得此載蔣一葵長安客話按宣德中李時勉為侍講學士一日上懷金錢至史館撒之于地令諸講官拾取時勉獨正立乃呼至前賜以袖中金錢則其事不始于景泰朝

翰林院門左右飛沙積歲高與墻齊明世廟中掌院某嘗令除去官僚罷謫笈空未幾沙還積如故或以為形勝宜爾長安客話

明初六科在午門內與尚寶司相連今猶稱六科廊後

因失火，遷午門外。長安客話

工部有銅簾四，高可過人。光祿寺有鐵梨木酒椀，每椀用米二十石，得汁百甕。云是明初籍沒沈萬三家物。

明太醫院例于端陽日，差官至南海子捕蝦蟇，擠酥以合樂，製紫金錠，有御醫某者，張大其事，鼓吹旂幡，喧闐

以往，或嘲以詩曰：抖擻威風出鳳城，喧闐鼓吹擁霓旌。穿林披莽如虓虎，投得蝦蟇剜眼睛。

明朝祖孫父子三代為尚書者，惟福州林氏一家。林瀚，南京兵部尚書，翰子庭机，南禮部尚書，庭机子爌，亦南禮部尚書。

胡忠安公澐為禮部尚書，自宣德丁未至景泰甲戌，凡十為會試知貢舉官。

新舉人朝見，着青衫，不着襪，衫開始于宣宗朝，謂其異于歲貢生耳。及其下第，送國子監，則仍着襪，衫蓋國學自有成規也。

明制，各邊軍士從戰，身荷鎖甲，戰裙，遮臂等具，重四十五斤，鐵盔，鐵腦蓋，重七斤，頓頂護心鐵，脇重五斤，弓撒箭袋，重十斤，腰刀三斤，米，蒺藜骨朵，重三斤，箭筒一斤。

通計共八十四斤半。

曹文忠公鼎初為教官，不樂，願為繁劇一職。改泰和典史，進學不倦，復修舉子業，遂登進士。及第入經筵，尋入閣，與政士林榮之。

明孝陵即梁名僧寶誌瘞所傍有八功德水誠意伯奏  
改葬之乃見二大岳對合啟之誌公端坐于內髮被體  
指爪繞腰矣瘞既遷水亦隨往太祖異焉勅建靈谷寺  
賜之莊田甚廣仍迎其像建壇居之命太常歲祭董穀  
碧里

存雜

成祖靖難後于都城四達之衢必建一聽經樓每夜令  
僧於上諷講經義俾臣民席地靜聽之既遷都百年後  
舊制盡失尚存其一于北門橋與十廟相近嘉靖初僧  
復新之人莫知為聽經樓之故址也

明初生員惟有廩膳增廣廩膳有額增無額成化中京  
師語曰和尚普度秀才拘數嚴陵姚夔時為禮部尚書

奏請故附學立高

唐時議謚之法無爵者稱子若懿德立園聲實明著雖  
無官亦奏聞賜謚曰先生然亦有門生故舊私為立謚  
者如孟郊稱貞曜先生之類是也後世三品以上乃得  
謚號而無爵之謚遂絕

唐制公卿皆措笏于帶而後來馬張九齡獨使人持之  
因設笏囊自九齡始明朝公卿多肩輿四品以下始乘  
馬惟南京與外方面官迎詔送表時皆朝服乘馬有措  
笏于帶者有手自持者有人為持者以意自便無所謂  
故事

晉漢唐中乃儒者之冠明興科甲監儒兼而用之不在



此列者皆安分不敢僭用。後來風俗僭侈，平人以小帽為恥，或一人僥倖科第，宗族姻親盡換儒巾，曰蔭襲中。故諺有滿城文運轉，遍地是方巾之語。

永樂中禁中有剪柳之戲，即射柳也。元人以鷓鴣貯葫蘆中，懸之柳上，彎弓射之，矢中葫蘆，鷓鴣飛出，以飛之高下為勝負。往會于清明端陽。周宥所識，小編。

明制殿試在三月朔日，成化八年以悼恭太子發引，改于十五日，後因之。本朝因今上萬壽節在十日，復改期于後。

相城劉浩，性好促織，賞出姜門，見水濱一大蜂，以身就泥中，展轉數回，起集敗荷葉上，俄化為促織，健而善闘，所當無不勝者。見陸燦唐已編，而物類相感不載。

仁和郎瑛所著名續已編內一段云：福建布政朱彰景

泰初謫陝西莊浪，馭丞有西蕃使臣入貢一猫，道徑于馭彰館之，問猫有何異，使臣云：向夕請試之，以猫盛罩于鐵籠，納空屋中，明日起視，有數十鼠伏籠外，盡死。盖猫王也。使臣又云：此猫所在，雖數里外鼠皆來伏。

大同初叛之歲，失縱兵官所佩征西前將軍印，職方請給新印，鄭端簡公時為主事，白郎中，從兵印文柳葉篆，請改印文，或稱別將軍，或增減其字，恐原印在叛軍處，有事時行文奏報，真偽不可辨，誤事非小。往年胡忠安公在禮部，失行禮部之印，改鑄行禮部印，在內衙門尚然。况邊鎮兵權，又反側不靖，時乎郎中不以為然。

外戚封公自嘉靖中張寀齡始駙馬無封侯者。涿城富陽永春西寧皆以軍功封。惟永康公王駙馬崔元以迎立世廟封京山侯。

五月五日賜文武官走驃騎于後苑。其制一人執旂引于前，二人馳馬繼出，呈藝于馬上，或上或下，或左或右，騰躑躅捷人馬相得如此者，教百騎後，乃為胡服，臂鷹走犬圍獵狀。終場俗名曰走解。音鞞去聲而不知所自始。豈金元之舊俗歟？今每歲一舉，蓋以訓武也。觀畢賜宴而回。彭時筆記

六科皆稱內府，不詳所自。偶閱吳人陸鈇漫記，謂光祿寺及六科皆內府衙門。

東直門外二十馬房牧草料，每一房用太監三人，每草一萬用銀二十兩。其馬數不許查理，亦曾有人進本乞查馬數發問充軍。通州秋青草自正統十四年積草為敵所焚，自後令天津八衛打秋青草遂為例。陸鈇漫記

兵部尚書鄺野一日向恭順侯吳某取五軍數，吳以上聞，鄺走謝之，以軍數非外人所預知，此祖制也。全前

太子冠禮凡三加，初折上巾，二遠遊冠，三九旒冕。全前

明進士賜瓊林宴，盡席上七盃。水南翰記

水南翰記內諸司舍屋，惟秘閣最宏壯，閣下穹窿高敞，謂之水天。

永樂辛丑北京大內新成，勅翰林院凡南內文淵閣所

藏古今書籍各取一部送至北京餘收貯封識如故時  
脩撰陳循如數取進得一百櫃督舟載以進京至正統

己巳南內災文淵閣向所藏書悉為灰燼

姚福青溪暇筆

元時有只孫衣周伯琦詎馬行序曰華言一色衣也周  
憲王元宮詞健兒千隊足如飛隨從南郊露未晞鼓吹  
聲中春日曉御前咸着只孫衣吳郡皇甫庸近峰聞略  
云元親王及功臣侍宴者別賜冠衣謂之只孫今儀從  
所服團花只孫當是也按元史世祖本紀只作質  
劉瑾用事時百官門狀啟禮悉用紅紙京師紙價十數  
倍雖元臣宿將必自稱晚生及門下生

近奉聞畧

宋制科先命從官各舉平生所為文五十篇於學士院  
中選而後召試明弘治癸丑以前凡選庶吉士必先期  
呈所為文于內閣謂之投獻猶有宋制科遺意後廢不  
用

近奉聞畧

明朝年號犯前代者涼張重華五代蠻張遇賢宋方臘  
皆稱永樂元武宗太子阿速急八即位改元天順宋夏  
主李乾順稱正德正德改元詔下馬家宰試選人題曰  
宰相須用讀書人論蓋用宋太祖事譏內閣也

太祖于後湖中築一臺藏天下兵冊避火災也築屢潰  
乃命囊所誅鬪骸為基臺即就此洪武三年事也

徐穎

卿翦勝野聞

京師稱謂極尊者曰老先生自內閣以至大小九卿皆

然門生稱座主亦不過老先生而已至分宜當國而諛者日衆甚者稱夫子此後門生稱座主俱曰老師又有無故而稱老師者不可勝記觚不觚錄

六年一京察乃成化以後定例至于考察科道則或以輔臣去住而及其黨者惟嘉靖丙辰因星變命輔臣李本柳呂掌部事悉取六部九卿自尚書至尚寶丞及六科十三道分別去留之蓋分宜借此伸其恩怨也隆慶四年有旨命吏部高拱考察科道官高請與都察院同事大者削小者謫其後高雖敗而斥者不復用

左右春坊中允入閣門內揖出用雙簞贊善亦然而翰林侍讀侍講品故同中允然以本院屬官故揖則中庭出則卑簞獨至脩書講筵主兩京試則皆講讀先而中允後此衙門故事也明萬歷己卯南京鄉試忽以中允高啟愚先而羅萬化後成法為之一變本朝各省鄉試翰林科員同差者必翰林官為正而科員副之康熙甲子陝西鄉試江都許承宣以工科為正主考錢塘汪霖以編脩為副亦一時變例也

分宜當國家人永年專為世蕃過錢署號曰崔坡江陵當國而家人子游七司其出納署號曰楚濱一時士大夫無不稱崔坡楚濱者觚不觚錄

私鹽之禁至今日嚴密極矣嘗記宋時漕運自荆湖南北米至真揚交卸舟人皆市私鹽以歸每得厚利故舟

人以舡為家一有損漏旋即補葺久而不壞運道亦通  
明文皇嘗謂侍從曰篙工柁師有少販鬻但無妨公不  
必究問其寬大如此今之盤詰私鹽者糧艘亦在不免  
犯者無論運官運丁一體治罪又加以閩吏之權征真  
無纖毫餘利以惠窮乏宜其計無復之侵蝕官米也

明朝開科始洪武三年而定條例自十七年始先是試  
文尚仍元制二十一年始刻程文先是止錄姓名鄉貫  
試錄定式自二十四年始陳鵬漫志

正德戊辰廷試二甲三甲一名各刊策丁丑會試五經  
各刊文三篇皆異常格

許襄毅公進成化中以御史丁憂起復上京惟乘馬其  
配高夫人素病眩暈不能御車亦騎而從竟不索轎時  
仲子司徒誥方在襁褓叔子少傅讚娠在腹而司馬論  
則其季也

分宜當國時有一檢討家居十九年既至與分宜抗禮  
上坐用侍生白單帖分宜亦不為異蓋衙門稱晚生惟  
七科前輩不論入閣與否又新進者于掌院學士稱晚  
生避馬馮夢楨快雪堂漫錄

殿試臚唱畢禮部堂上官捧黃榜鼓吹導出大清門一  
甲三人隨之餘進士則仍自兩旁門出此定制也康熙  
庚辰科閣臣孝感沁州以本科會試總裁復充殿試讀  
卷官榜眼季愈探花王露皆其禮闈所取前列士對策

書法大不滿上意是日擗榜止用禮部司官而一甲三人俱不敢由中門出此後遂相沿不變矣

康熙庚辰二月禮闈舉子場事已竣方鎖闈閱卷二十日夜明遠樓上忽有啼聲視之乃一初生嬰女不知所自來外簾官相顧愕眙以其事近恠不敢上聞越二日進呈五魁卷隨令一役送此女置育嬰堂中明日有人抱之以去後余至育嬰堂親問李老人果有此事亦人妖也

庚辰四月十七早東直門已啟鑰而門扇牢合不可開若有物錮之者自郊達申內外出入不通壅擠者數千人司門兵役奔告九門提督以羊承致祭戶樞旋開已近黃昏矣

庚辰五月初十以後太白經天在張翼二星之間日斜乃見非畫見也

自鄭州至雄州一帶春夏之交雨水泛濫行者病涉恒以為苦按蘇子由使契丹時有贈知雄州王崇極詩首章云趙北燕南古戰場何年千里作方塘烟波坐覺胡塵遠皮幣遙知國計長又云城裡都無一寸閒城頭野水四汙漫與君但對湖光飲多病偏須酒令寬則北宋時此地已為澤國當時引淀灤諸水以限戎馬之足遂成巨浸積漸使然也

本朝禁中宮殿門名大概仍明之舊與酌中志所載畧同乾清門之內為乾清宮宮之東曰昭仁殿西曰弘德

殿東宮及諸王讀書之所一在門之東曰東書房一在門之西曰西書房皆北向翰林院直廬曰南書房與西書房總隔一垣循西廊稍北曰翻書房在月華門之南月華門北曰懋勤殿乾清宮正北曰交泰殿交泰正北曰坤寧宮宮有東西二煖殿坤寧宮直北曰欽安殿又北為御花園神武門自昭仁弘德而北兩翼相比者東曰延禧宮承乾宮景陽宮景仁宮長春宮鍾粹宮西曰翊坤宮永和宮咸福宮永壽宮啟祥宮儲秀宮御茶房在乾清宮東北御書房古董房俱在景陽宮內敬事房在景仁宮內中正殿在長春宮之西又西為咸安宮天穹殿在景陽宮之東以上皆宮門之內乾清門之東曰內左門

西日內右門北下東向者曰日精門昭華門基化門景和門近光左門西向者曰月華門端則門隆福門近光右門月華門之外曰隆宗門之西曰養心殿南曰慈寧宮太皇太后所居景和門之東為毓慶宮皇太子宮也又東為寧壽宮皇太后所居此外尚有兆祥所遇喜所所內永安亭南府西路南府中路東庫房西庫房鷹房大小狗房鳥鎗房鴿子房裱房藥房露房等名皆不在宮殿之數本朝內監數目 乾清宮 總管二首領四太監十九打掃首領三打掃太監七十八 昭仁殿 首領二太監七 弘德殿 首領二太監七 懋勤殿 首領一太監六 自鳴鐘下 九太監四執事首領四太監六 御茶房 首領二太監四十六 上乘轎首領二太監坤寧宮 首領二太監十 東煖殿 首領二太監五 西煖殿 首領二太監六

寶房即交泰殿 首領二 延禧宮 首領二 長春宮 首領二

監十 永壽宮 首領二 翊坤宮 首領二 永福宮 首領二

十 啟祥宮 首領二 承乾宮 首領二 咸福宮 首領二

儲秀宮 首領二 景陽宮 首領二 鍾粹宮 首領二

宮 首領二 近光左門 首領二 御書房在景陽宮內 首領二

古董房在景陽宮內 首領二 東書房 首領二 南書房 首領二

諸王子書房 首領二 西書房 首領二 翻書房 首領二 敬事房在

景仁宮內 首領二 御前 首領二 讀清書 首領二 乾清門 首領二

十一 太監 日精門在宮東 首領二 月華門在宮西 首領二

內左門 首領二 內右門 首領二 景和門 首領二

監六 隆福門 首領二 基化門 首領二 端則門 首領二

華門 首領二 近光右門 首領二 養心殿在月華門外正西

首領二 打掃首領二 箭匠 首領二 按摩 首領二 錠匠 首領二

監十五 打掃 首領二 畫匠 首領二 鳥鎗 首領二 養心殿霧房 首領二

學西洋醫 首領二 大殿鷹上 首領二 大狗房 首領二 鴿

裱房 首領二 御花園在欽安殿後 首領二 北小花園在

子房 首領二 天穹殿在景陽宮東 首領二 中正殿在長

宮後 首領二 欽安殿 首領二 熟火房 首領二 柴炭

春宮 首領二 燒炕 首領二 北祥所在神武門內 首領二

所 首領二 遇喜處 首領二 總管 首領二 永安

十 書房 首領二 南府西路 首領二 南府中路在瀋臺南

亭 首領二 南府西路 首領二 南府中路在瀋臺南

首領二 南薰殿在內西華門內 首領二 咸安宮 首領二



監三 慈寧宮 佛堂首領二太監六○中麻首領二太監  
十二太監十○花園首領二太監十一○管門首領  
二打掃首領二打掃太監八 寧壽宮在毓慶宮東  
教未 毓慶宮 殿上首領四太監四十○鷹上首領一太  
查 一太監廿○四執事首領二太監十六○茶房首領  
頭一太監十七○烏鏡太監五○打掃首領一太監十五  
二太監十七○烏鏡太監五○打掃首領一太監十五  
睿前太監 十三阿哥下太監 十四阿哥下太監 十五阿  
哥下太監 十六阿哥下太監 東庫房阿哥下太監 西庫  
房阿哥下太監

三月初旬榆莢方生時官厨采供 御饌或和以粉或  
以麩內直詞臣每蒙 賜食余有詩紀之

湯山在昌年州東南山下有湯泉 行宮在山之東跨  
泉為浴池癸未五月隨 駕駐此偶閱曹能始名勝志

云溫泉出昌平西北二十五里之湯峪初疑志記是日  
作詩因詳注此段進呈明日 上賜御札云此湯非舊  
有康熙二三年間輔臣時人始知之病者浴此甚有益  
昌平州西北湯峪之泉故在非志記也 御札隨繳進  
謹錄於右以見 皇上之精於考證如此

古北口外有老樹根為沙水浸潤歲久發光以刀削去  
薄皮肌理瑩徹大者合把小如臂指皆透明如琉璃  
水精夜置暗室中照見細字因呼為夜光木出水半  
月後濕氣漸乾光亦漸滅成枯槪矣真物理之莫解  
者此樹亦不知名

猴頭麝菰產鞍子嶺附近山中大者一枚重斤許味厚

如榆肉而鮮美過之。元楊允孚《涇京詩》更說高麗生菜美絕。輸山後蘆菔。杏自注云尖山產蘆菔。按元之涇京去此不遠。物產正同。又有一種生牛馬糞堆者。名沙菌。亦可采食。但形味差薄耳。

山中有野杏樹。枝幹多被野燒所焚。其根堅韌。入土不爛。有花紋而香。以為筆架。及小香几。玲瓏可愛。御前俱斷用之。余受賜者。用作小鏡架。名之為蟠木。

去熱河九十里。入蒙古科爾沁界。其地有湯泉。上半湯回。諭諸臣云。朕坐湯丸二十二處。所至必令西洋人以銀盆盛水。重湯煎之。俟水乾。驗盆底。或硫或硝。或鹹或砂。各各不同。至其舒筋骨和血脉。則一也。

蒙古阿巴海部落地名。充俄里有泡子河。產天然鹽。生水中。如層冰厚四五寸許。鑿取成磚。不事煎熬。而可食。其味較中國食鹽稍澹。又有產於高山者。彌望如雪。人跡不能到。則用強弓仰射取之。又產精鐵。色如白銀。今上用鳥鎗。皆采此鐵製造。往聞明季嚴禁關口。不得出。鹽鐵等物。謂可坐困外國。豈知彼中物產。固自不乏耶。

口外避暑行宮。皇上取樸素之義。命曰山莊。自兩間

房起。次鞍子嶺。次黃甲營。次樺榆溝。

相近有釣魚臺。亦有樓閣。然非宿頓。

次喀喇火屯。蒙古云喀喇。譯云黑色。其地本名黑城。亦云烏城。次上營子。一名熱河。次藍旗營。次波羅火屯。一

名皇姑莊其地与蒙古四子部落相近次唐山營凡九處宮殿之制繪圖如一惟喀喇火屯地形寬衍溪山尤勝行宮之後復創苑囿黃甲營向係腰站殿宇無多駐蹕歲不過一宿而已

塞山有毒草中人肌膚毒甚蜂蠆自唐山營踰汗鐵木嶺而外徧地有之俗名蠟子草蘆蒿四五尺葉如麻嫩時可供馬秣徑霜則瘁螫不可觸

椴樹葉与烏柏相似而大如團扇有鉅齒初生時可畏餅餌蒸食霜後鮮赤若丹楓照耀岩谷其皮柔韌如菴皮烏喇之人采以治繩作魚網入水不濡又可為烏鎗火繩中國所無也按本草人參條下所載椴木音

賈而此音斷不同

細鱗魚產涼河中旁近溪澗多有之重唇鱗如魴中有黑斑大者一頭重斤許味極鮮腴又有柘綠魚味與細鱗畧同而形差小又有柳根魚長不過二三寸入釣最多竿不虛舉此魚族聚後流中好食柳根故名

駱駝有紫色白色兩種蒙古与中國貿易騰健者每頭直價二三十金以其卧而齧草腹不貼地故曰明駝行圍駐蹕之所擇地勢平行者刈草剗土測景向正南中立帳殿外設幔城以黃布為之開東西南三門幔城外四面又設網城一重羽林周廬環繞網城之外相去率百餘步惟內廷扈從詞臣設帳房于南門三十步內

以便不時宣喚也

烏喇奈山果也一名歐李叢生樸檉間紅如珊瑚比櫻桃而大味甘微酢蜜漫可以致遠蒙古諸山處有之玲瓏山溝口蒙古名為生濟圖大羅昂阿有水不詳其名源自白旗營流下塞外諸川此為最大商人伐巨松成段散置斯干遇暴雨水漲則順流而出以道里揆之當亦達于滦河從永平南入關者

雍安嶺塞外諸山最高處嶺上多白沙故名其山東連長白西界五臺嶺下為東四旗舊營外即蒙古克什黑屯部落北去百餘里直走旱海矣或云此嶺之北即陰山恐未必然嶺上喬松挿天不計其數葉短而勁八月杪被霜黃落與凡材無異名落葉松蓋茲山下臨沙漠朔氣高寒宜無不凋之木也

黃羊興安嶺上獨石口一帶草中有之高三尺餘背毛淺黃色腹下白百十為群每合圍遙望拍之如鸞鴨所得以千計有耳無角尾似麋聲似鹿本鹿類而以羊名之本草謂黃羊狀與羊同腹下帶黃色者猶未得其真也

虎有威骨長寸餘在脇兩旁肉中不附筋骨初生時骨平如一字年深則曲而為乙字其力始猛所謂虎挾乙也東宮行圍時曾以一枚見賜後以与李氏外孫女云可辟邪

野猪毛深黑色高五六尺長八九尺絕有力上下四牙長出口外人莫敢櫻弓矢不能勝利用火攻味之美尤在皮行厨以供上膳非拜賜不得食

熊之力大于虎倚樹而立獵者不敢近必先以狗撩之俟其出林然後人力有所施鎗箭競如其計無復之則騰身上喬木之杪物樹枝以擲人以火器仰攻力盡乃墮有猪熊人熊馬熊樹熊石熊之別余所見者乃石熊也本草云背上脂為熊白味甚美不知腹中之腴拌糖霜皆可生食也

大凡打圍惟在得鹿他如豺狼狐狸諸獸圍未合時往往多竄出者鹿之類不一十麀麂中緣得一鹿十牝鹿

中緣得一牡鹿牝無角而牡有角老鹿之角有長至丈許者此為絕有力箭已洞胷貫腹負痛疾馳尚能踰險越阻行數十里乃斃白露後秋分前極肥過此漸羸瘦矣

哨鹿之說遼史已有之但未詳其法今特志之每歲于白露後三日獵者衣鹿皮戴鹿頭天未明潛伏草中吹木筒作聲牡鹿聞之以為求其偶也遂踴躍而至則利鏃加焉無得脫者

鹿茸初解角時其長如薊栗蒸而食之嫩如乳酥色白而微紅余陪獵三回僅得一嘗香味兩奇絕世謂江瑤柱食品無對惟此可與相匹

獵場草深沒馬腹。山雉最多而肥。驚人決起高飛不能  
及遠。旋復入草中。從行者往。下馬徒步取之。易如拾  
蚌蛤。每日暮回營。人馬後必帶數尾。以供晚食。間有  
飛入帳房中宴坐而獲者。重陽以後。瘦不中食。亦如鹿  
過秋分則羸。時候使然也。

飛狐。本蝙蝠之類。毛深褐色。銳頭缺口。似兔而長尾之  
長。與身等。肉翅如鷺裙。四足生翅中。前足四爪。後足五  
爪。能飛不踰尋丈。上于必忒舍勒圍中親射得之。  
塞山積兩草中。產蜥蜴。長四寸許。頭以下色如翡翠。有  
紋。勻細如魚鱗。尾作泥金色。吐氣為雲。喀喇火屯一帶  
有之。土人呼為雲虎。

千年老松。瘿剖之作瓢。可貯水一、二升許。又落葉松根  
出茵芝。莖紫赤色。皆可充几案閒物。避暑時。時上嘗頒  
賜扈從文臣。余所得二芝一瓢。他日可為初白菴中清  
供也。

順風耳。西洋巧工所製。以銅為管。節節相續。約長丈餘。  
如千里鏡之式。虛其中。口大而末小。向空中傳語。自上  
而下。或自下而上。相去五六里。聲息相聞。此器亦從古  
所未有。殺虎時。往往用之。

一日。上在行宮。出示石子二枚。其一黃白色。形圓中  
空。貯水。映日則見其一紫色。中有水一滴。如唾珠。隨手  
轉換。石面上向。則珠反下。走石下向。則珠却上。升循環

無端疑即空青之類。本產蒙古山中。而彼不知貴也。塞外有山果。名烏沙兒契。深紅色。味似烏喇柰。而微苦。核扁如瓜子。其核大者可為弓幹。細者可為箭筈。亦材木也。本草不載。

戶部西庫中有書五十厨。康熙癸未九月。杪奉旨着養心殿供事。向庫中檢查。僅得三吳水利考。及蔡忠惠文朔州集。共三種。據面奏云。此外率殘闕不全。吾不敢信也。

癸未十月初五日。殿試武舉。黎明傳旨南書房。先後隨駕翰林少詹陳元龍。諭德查昇。陳壯履。編修汪士鋐。錢名世。庶吉士汪灝。查慎行。蔣廷錫。八人俱着隨往紫

光閣。看武舉校射。余輩隨赴西苑候駕。已刻上乘舟至。先率東宮諸王各射步箭一回。然後陞寶座。讀卷。官自大學士至少詹共十四員。于幄殿東南西向坐。余輩八人以次班坐于後。申刻武舉一百人馬射既畢。諸臣移坐東向。復觀武舉步射。每十人為一朋。每人射畢。又各試技勇。甫三朋。日已下春。上率東宮以下。又射箭一回。乃回宮。明日午後校射始畢。選十三人充御前侍衛。吾宗三百年來。未有登武榜者。是科族叔靜安始冒朱姓。成進士。余與穀山名不在讀卷之列。蒙恩得坐班。與觀亦一門盛事也。

每年十一月初一日。宮中始燒暖炕。設圍爐。舊謂之開

爐節十二月二十四日。乾清宮廷前設萬壽燈八仙望子四架。二十六日。各宮殿門俱挂門神對聯。二十八日。宮中及甬道東西兩廊俱設五色羊角燈。此歲例也。壬午十二月二十三日。各衙門已封印兩日矣。忽有旨召各省新授督學臣入南書房候考。御試題夫子循之然節制義一篇奉和。聖製為考試。嘆五律一首。午後呈卷。明早復集內廷。俱依擬用人。賜御書一幅。而出所用十一人。翰詹衙門計十人。部曹止一人。乃翁嵩年康飴也。自是翰林院官頗為諸曹所忌。蓋舊例除北直江南浙江三省學院而外。其餘各省學道多以部郎及外府俸滿進士出身者充之。今一變其局。疑有他故。其寔出自宸斷。與在廷無與也。

元旦宮廷內外朝儀。五鼓。駕親祭堂子。各官俱朝服。于午門外送迎。黎明。駕回宮。先至奉先殿。繼至寧壽宮。行禮畢。然後乘輦出。御太和殿。受外廷朝賀。辰刻復回乾清宮。庭前樂作。上陞寶座。垂簾。樂再奏。宮嬪于前行禮。樂三奏。簾捲。東宮諸王以次在殿庭行。三跪九叩頭禮。樂四奏。公主郡主于宮中行禮。樂五奏。上御西暖閣。內外諸臣齊集午門內。望毓慶宮行兩跪六叩頭禮。畢始散班。暢春苑向未有直廬供奉之員。皆就近僦居。以候不時。宣喚康熙癸未正月。余與汪紫滄家聲山三人隨駕。



苑赴苑。上親指小東門內沿牆向西屋五間為祇候之地。其秋改作三層南向。而以直南三間為翰林直房。後二層為畫苑。自是入直有定所。與南書房同。

西苑張燈。自正月十四夜起。至十六夜止。癸未上元前二日有旨查昇查慎行汪灝自明日為始。連夕俱至西廠看放烟火。至十四日酉刻內侍一人。導傘輦三人。自小南門入沿河北行里許。經勤政楼下穿網城。西渡板橋。寬數百畝。壤平如削。當橋之正面。設燈棚一架。高起六丈餘。稍南為不夜城中列黃河九曲燈。縛秫稻作坊巷衙衛。徑術迴複。往入而步迷。燈之數不知其幾。每一燈旁植一旗。五米間錯。日初落。數十百燈一時先

燃。其北列柵。方廣約五六里。散植烟火數百。架黃昏上御樓。西向坐。先放高架烟火。謂之合子。最奇者為千葉蓮花。合子既畢。人氣尤靜。須臾橋東爆竹叢。葉棧徑隔河起。飛星一道。倒曳有聲。倏止倏下。入列柵中。縱橫馳突。食頃火光遠近。齋著如響。雷奮地飛。電掣空。此時月色天光俱為烟氣所蔽。觀者神移目炫。震撼動搖。不能自主。移時烟燼盡消。而九曲黃河燈猶熒熒如繁星也。內官舞龍燈者。至樓前伺候。傘輦乃出。宮漏下二鼓矣。十五十六兩夜皆然。其後歲以為例。但取道苑北門。不復從南門入矣。

進士釋褐例在國子監栢樹下。康熙癸未因修葺太學

工未竣先師先賢牌位俱移度順天府學新進士即于府學行釋褐禮一甲三人入大成殿分獻余與紫滄分獻西廡再行三跪九叩禮然後赴彝倫堂謁大司成行四拜禮畢登堂就席一甲三人在中間授庶常者在東間餘進士在西間各飲三杯揖司成而退

上留心醫理熟諳藥性嘗諭臣等云聖賢道理俱有一定之論至于醫卜星相言人人殊世間庸醫于寒熱虛實率未能辨南人喜用補北人好用瀉皆非適中之道大抵溫補之藥其效甚微酷烈之藥其效立見方書所載湯頭甚多若一方可療一病何用屢易西洋有一種樹皮名金雞納以治瘧疾一服即愈可見用藥只在

對症也

養心殿送到萬首唐人絕句一部真南宋本前有洪容齋序紹熙元年刻于越州蓬萊閣初止四十卷既而容齋歸鄱陽續刻成書遂滿萬首之數每一卷計詩百首共一百零一卷紹熙三年奏進重華宮壽皇稱其精博賜茶一百斡清馥香十貼薰香二十貼金器一百兩邁復上表謝恩前後劄子奏狀俱載卷首至嘉定癸未新安汪綱守越遂搨鄱本并刻之今此本即嘉定中合刻者但檢對目錄現存僅七十五卷缺二十六卷為可惜耳

經筵舊例先五日掌院學士擬進四書二條尚書易經

各二條候御筆點定講官始撰講章再經繕清進呈  
臨時備用甲申春將舉經筵掌院所擬題概置不用徑  
書二條皆出上裁四書子貢問政一節尚書汝二十  
有二人欽哉惟時亮天工二句二月廿九日午後方發  
下是月漢講官為華亭王大司空吾邑陳止庵倉卒撰  
擬為期甚迫三月初二日黎明上御文華殿進講畢  
賜茶而退經筵例有筵宴停止自茲始  
御前發下白玉引首圖章一枚篆文廣仁殿三字奉  
旨考究出處記得金史章宗泰和七年召對羣臣于廣  
仁殿又查禁扁目錄金初都燕後移汴宮殿扁額亦載  
有廣仁殿之名但敘造年月則無可考

唐伯虎相城水村圖畫卷宣紙小幅濶終半尺長六  
尺餘水墨濃淡點綴生動楊柳共三十四株江橋村市  
出沒水氣中後有五文恪公五言古詩一首伯虎次和  
最後又有盧襄次韵一首相城沈石田所居時石田下  
世文恪与伯虎往弔舟中作此一時興會所到筆墨之  
痕俱化平生所見伯虎画此為第一甲申五月十五日  
御前發下裝潢裱房在西苑直廬之後与王麓臺前  
輩同觀

皇上精于算學常著三角形論以示內廷諸臣茫然無  
有解者一日面示臣等算法先聚米一堆于案上用軟  
尺量之圍五尺三寸五分徑一尺七寸高五寸三分積

數得四千。九寸。復以堆垛法一百二十五寸除之。得三二。七之數。隨用一百二十五寸之銅斗量之。不差累黍。又頒示一寸斗。一八寸斗。一十八寸斗。一釀水于中。大小隨其所受寸。而積盈縮不爽。御筆推籌法一紙。今存家少詹姪處。

嘉量算經三卷。律呂正論六卷。明鄭世子載堉著。其書推原造歷之本。大約謂古人以度定量。以量定權。必參相得。而後黃鐘之律可求。律與度量衡相須為用。非度量衡生于律也。因將累黍推定三器。並歷代沿革損益著之于篇。此書世不多有。御府曾見之。按鄭世子之父恭王。被誣禁高墻。世子不敢居內寢。築一室。王門外。席藁以居。與王居高墻之年。等後恭王薨。世子逝之山中。讓爵于盟津王之子。見有子臧季札之風。

御園蒲菴。凡十種。甲申十一月十三日。頒賜南書房諸臣。御製詩云。休誇大宛貢。莫笑漢宮傳。十種標名寔異。千條帶葉鮮。隨班命內侍。分賜到諸賢。飽食和心胃。歸鞍賦木天。此詩原藁存家。穀山學士處。十種者。一伏地公。領孫。二伏地黑蒲菴。三伏地馬瑙。四哈密。五領孫。五哈密。六哈密。七哈密。八哈密。九哈密。十馬乳。

除夕前三日。內廷日直諸臣。人賜全鹿一隻。風羊二隻。兔八隻。野鷄八隻。鹿尾四枚。關東大魚八尾。黃封酒二

壘此年例也。中申十二月加賜御書徑尺大福字一幅對聯一副。綠石硯一方。歲不為例。

內府收藏書畫。余在內廷。曾經眼見者。不計其數。今錄

其尤妙者。共三十五種。以備遺忘。絹本小楷曹娥

碑。後有昌黎懷素二跋。又宋高宗跋書澄心紙上。又謝

碑。端宋本喬叢成三跋。又虞集前後共十跋。今上御

題跋。趙子昂鵲華秋色圖卷。子昂行爲周草窓作。後

有董文褚河南西昇徑。樂毅論楷書墨蹟。不書張澤

敏五跋。清明上河圖卷。子昂本長。燕文貴傲王摩詰關山霽

霽圖卷。郭熙蜀山積雪圖卷。趙子昂百駿圖卷。

右軍黃庭經小楷卷。臨人朱芾山水卷。陳所翁九龍

圖。趙千里後赤壁圖卷。黃荃設色花卉。吳新鸞

細楷唐韻。顧野王草出卷。閻立本步輦圖。閻立

本洛神賦圖。燕文貴長江萬里圖卷。劉松年江上

雪霽圖。東坡墨竹。虞世南廟堂碑真蹟。黃公望

江山勝覽圖卷。宋僧牧溪果蔬鳥雀圖卷。錢舜舉

白雲紅樹圖。趙千里大禹治水圖卷。首有王稱登八

陳健。徐熙鉤染花卉翎毛長卷。唐六如水打圍。管

夫人白描大士像。唐陸東之書文賦真蹟。劉松年

五百阿羅漢卷。趙雍畫馬。有董昌跋。李龍眠白描五百

羅漢卷。李北海大照寺碑直蹟。周昉美人浣月圖。

黃子久秋山雨意圖。後有元人李

龍蝦屋閣。廣海中長丈餘。通身十七節。頭似龍。有角。脚

長數寸，須上有毛，白如玳瑁，尾五採皆倒捲。韓昌黎詩云：「又嘗疑龍蝦，果誰雄牙鬚。」乙酉正月初四日，在南書房。上遣內侍傳示，始見之。

乙酉八月杪，圍場既撤，駕自興安嶺一帶巡邊，入張家口。廿八日駐上都必拉，廿九早，沿路閱視群牧。先諸王子馬群，次正藍旗，次鑲白旗，次正白旗，其餘各旗牧地稍遠，不及趕赴。自上都必拉至諾海和碩五十里間，駝馬牛羊彌望不絕，皆數年中賜種孳息者。每位諸王下馬駒二千餘匹，八旗每一牛录有馬一千二三百匹，餘畜產稱是。三十日早，發諾海和碩，先閱鑲黃旗畜牧，次閱太僕寺官馬，馬駒一萬三千餘匹。上沿途緩轡，選

其駿異者，歸上駟院，計程七十餘里，抵塔班托羅海，駐蹕。九月初二日，自烏蘭腦兒至查木哈兔腦兒，閱視慶豐司羊群，計二十六萬頭，又東宮監牧四萬頭，共羊三十萬。初三日，閱視牛群，約十萬餘，是夕駐託里渾腦兒。初四日，閱視上駟院馬駒，每群以毛色為別：白者、青者、黑者、紅者、黃者、紫者、雜色者，散布山岡，望同雲錦。為數約二十萬，四十里抵昂烏力海，巴拉漢典牧官員屯聚于此。過此六里，駐蹕。初五日，上御幔城南門，觀調生馬，先賜南書房翰林官馬八匹，次賜隨駕總兵副將各官人各馬一匹。初七日至西巴里臺。上諭云：「此開尚有上駟院馬二十一群，向經調習者，每年春夏放青九

月歸殿今歲因朕巡邊恐馬力疲乏留備更替故不令  
趕來上又諭云明朝養馬大累民間我太宗時以獨  
石口至張家口山北一帶水草肥饒指為放牧之地今  
歷數十餘年孽產蕃息既不累民亦不費官自古馬政  
之善無如本朝者

自興安打巴漢三十里至渾秦布拉噶五十里都倫那  
拉又名上都海拉思台四十里庫勒班庫特勒四十里  
額勒屯色欽六十里博羅活屯上都必拉五十里諾海  
和什七十二里塔班托羅海五十里烏蘭腦兒五十里  
查木哈兔腦兒四十五里托里渾腦兒四十五里昂烏  
力海巴拉漢五十五里哈木虎布兒喀四十里西巴里  
台十五里察罕托羅海二十里陀羅素三十里張家口  
五里下堡城六十里宣化府十八里泥河十里鷓兒梁  
響水鋪二十里上花園十里下花園鷄鳴山十里鷄鳴  
驛十五里新保安二十五里沙城二十里土木驛三十  
里懷來縣有廣慈寺二十五里榆林堡二十五里空道  
五里八達嶺三里青龍橋三里石佛寺二里彈琴峽五  
里居庸北關十五里南關二十五里大頭六十里暢春  
苑共二十二站計程一千零八十三里  
張家口內保安沙城一帶地產沙蓬實如蒺藜中有米  
如稗子食之益人不草所不載  
葦草一名菘亦名王粵本草云此草綠色可染黃古者

貢草入染人故謂之王芻詩經蓋臣取進忠之義當本此

乙酉十月六科缺員奉旨將翰林院編檢改補初四日掌院學士啟奏考選日期南書房翰林及日講官俱著一體開列余與張衡臣錢亮功蔣搗孫四人時在直廬奏乞免開職名不願改授言路奉旨俯允初六日召見翰林官廿九員用王懿史中義鄭際泰管灝陳允恭周道新楊顯張大有李紹周九人蓋向來科道員缺例以庶吉士出館而未授職者揆補今已授職復行改用似以臺垣為編檢性缺惜此語不敢上奏也此例開自庚辰在本衙門為疏通之路而編檢品秩稍降矣會試總裁歷科以來二正二副例用四員丙戌會試止用李少宰錄予彭少司空會洪二人先奉嚴綸戒飭放榜後為諄言所中會元尚居易以文體不正黜革殿試榜發黜落者四人罰科者十一人奉旨將會試總裁及房考三人交都察院議處俱落職南宮慶局也丙戌四月朔庶常當散館上在西苑考試滿漢庶吉士三十八人御試題存心養性為匪懈論一首賦得人畫農桑九五言排律十二韻余與錢亮功汪紫滄蔣楊孫四人先經授職不復與考初六日命下留館授職者止十五人其餘再行教習者二十人草職者三人兩掌院俱降三級留任視癸末又加嚴從來殿試進士



以館選為萃，極盛必衰，固其理也。

每科選館。皇上御保和殿，滿漢大學士於煖閣內站班，掌院兩學士立煖閣下，西向一甲三人排立，掌院後諸進士以次分班，唱名每十人為一班，由殿東入跪奏，姓名籍貫及鄉會試名次。選館者留殿中，與鼎甲挨次立，唱名畢，諸大臣各賜茶。上升輦回宮，此定例也。丙戌四月二十六日，上不入朝，即于西苑澹寧居舉行此典。新進士二百九十餘名，俱從東南奏事門入。欽點庶吉士共四十八人，浙江九人，吾季弟潤本與馬先是癸未科，余授庶常，時仲弟德尹以編修在殿門坐班。今日余在苑門，復見季弟館選，兄弟三人八年之中，俱備員詞苑，不可謂非一門幸事也。

口外草木可當茗飲者有三種：一種紅蓼花根，蒙古呼為色都，滿州呼為色尔布；一種即落葉松皮，一種名奢木子，亦名瓜子兒茶，其色紅。

口外有一種草長尺餘，六月開花似虞美人，而重臺淺紫色，每本三極結子如棗椹，因地椹壓其漿，熬成膏點湯飲之，味極芳甘，盛以玻璃杯尤可愛。

山莊九處，黃甲營地稍窄，餘八處多有直廬，在行宮三門內，東朶殿之後，平屋三間，西向，庭前設松棚以禦暑。扈從詞臣每黎明入直，一如在西苑也。其樺榆溝喀喇火屯上營子三處，隨駕大臣皆賜官房為止宿之地。

大抵 皇上清暑六七月之交于三處駐蹕為多故詞  
臣亦得受廬兩人共住三間紗幬木榻用庇風日過此  
以往率就草地支帳房與羽林列幕者無別矣  
從烏喇哈帶東行四十五里地名阿赤你巴蒙古謂兩  
山交會處也又自北而東渡一溪行十里許有柴柵茅  
屋又東二十里渡西見哈溝為岳七利台吉營盤所居  
新葺瓦屋四層環以土牆旁有喇麻寺亦用瓦蓋  
上初幸其居後移住幔城岳七利者翁牛特部落貴人  
也又東北行二十里為坤維火羅又東為巴顏打巴漢  
上下約二十餘里嶺下即翁牛特部落駐牧之地其地  
舊名嬰阿今改名巴顏爾賚平壤一區清流貫其中四  
面山勢環拱如城郭時八公主下嫁于都倫郡王瓦殿  
六重工部官為營建者丙戌八月初八日 上送公主  
親至其地向耒圍場所不到也從此望西北行五十餘  
里為溪百冲昂阿又西四十餘里為木克帶道旁有湯  
泉折而南行十餘里乃折而西又十餘里至汗必力阿  
打巴漢昂阿去白岔不過三十里矣  
丙戌九月十四日自獵場回 鑿駐波羅火屯內侍李  
玉傳 旨問及每科舉人進士所給水程牌坊銀兩數  
目余輩回奏云所給銀兩每省數目多寡不一祇就浙  
江言之新科舉人例給銀四十五兩進士于布政司庫  
領銀一百兩士子均沾寔惠蓋謂 上意恐被有司侵

蝕故有此問也。覆奏後復傳旨云：「旌表節孝止給牌坊銀三十兩，此項似覺太多，遂下部議。自後新中進士着于戶部領銀三十兩，永以為例。裁減牌坊銀數，自本科始。時會場已過，俱照舊例給發一百兩，仍行文本省如數扣追。」

韻府群玉一書，元延祐間新吳二陰所集，一名時夫字勁絃，一名中大字復春，博學而多聞。自宋王百祿所增書林事類韻會錢諷回溪史韻等書會粹而附益之，洪武正韻初成定為七十六韻，洪武八年重刻是書，一依新定次序，而字下所繫諸事並從陰氏之舊。宋景濂有序，今世之所傳者又與明初刻本不同。

明月錢見洪遵泉志奇品中，徐氏曰：「此錢文曰明月，按此錢徑九分，重四銖二分，製作銀薄，形質簡古，外無輪郭，背文明徹，舊譜所圖與此小異，又不載輕重大小，計得其名而未見之也。」云々壬辰正月，余偶從慈仁廟市，購得十枚，與泉志所載形模適合。明月二字俱篆文，但不知鑄自何代，漢以後又無此年號，不可考耳。

內西華門外西南一里許，明朝御用監在焉。又南數十步為真武殿，庭前老檜一株，下有元時玉酒海，承以石牀，玉色青碧，間以黑章，旁刺魚龍海馬，出沒波濤，狀口面約廣三尺餘，隨其質為凹凸，若荷葉然，形製古朴，膚理溫潤，中容四五石許。壬辰正月十九日，借雲

間高不竊槎客往觀摩挲反之按元史世祖紀至元二  
年十二月瀆山大玉海成勅置廣寒殿殿耕錄云廣寒  
殿在萬歲山頂中有小玉殿內設御榻左右列侍臣坐  
牀前架黑玉酒壘一車駕歲巡上都先宴于此燕都遊  
覽志云今御用監中有小亭二內一玉缸體質頗潤中  
積水外以朱欄護之即廣寒殿中物也

